

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

DS
754
.7
S5
1738
V.84

University of Toronto
Library
e567/b
ASIAN COLLECTION

硃批諭旨

嵇曾筠奏摺下

硃批嵇曾筠奏摺

雍正七年三月初三日吏部尚書總督河南山東

河道臣嵇曾筠謹

奏爲恭謝

天恩事雍正七年三月初二日接准吏部咨文欽蒙

皇上聖旨授臣總督河南山東河道提督軍務隨恭設

香案望

闕叩頭恭謝

天恩訖竊臣一介庸愚至微極陋荷蒙

皇上殊恩特授河南副總河之職又復仰承

硃批諭旨

下

嵇曾筠

恩命兼管山東黃河堤工任事以來皆賴

聖謨廣運

睿慮精詳臣凜遵恪守夙夜冰兢而報稱無能時深惶

悚廼蒙我

皇上委任有加

特頒諭旨令尹繼善與臣分任南北二河之事又以治

河之道必合全河形勢通行籌畫方可疏導安瀾

特允廷臣議奏所有南北修理工程令臣等公同商酌

會稿具題期於兩處均有利益仰見我河南山東

皇上聖明天縱洞悉河防

指示機宜無微不至臣聞

命自天措躬無地惟有益加謹慎詳求疏築之宜勤事
奔馳勉竭駑駘之力和衷共濟倍凜小心務期河
堤鞏固運道深通以仰報

皇上洪恩於萬一耳除現在具本奏謝

天恩并一切應行事宜恭候

敕書印信頒發到日凜愼欽遵次第舉行外所有微臣

仰荷

新綸感激蟻忱先行繕摺

奏謝伏祈

硃批諭旨

下

二

嵇曾筠

睿鑒謹

奏

從前齊蘇勒肩任河防南北總局實皆倚賴今伊物故不但北河疏築各務須倍加籌計全河形勢悉當再四講求慎勿泥於紙上陳文廢棄齊蘇勒現行規畫尤不宜好奇穿鑿立意更張如開壩之啓閉應時最爲切要少失機宜所關匪細敬之慎之與南河諸臣和衷勉力爲之

命自同日又無此辭旨益耽勤勵精求施築之宜謹奉
計奏爲請無庸不照引聞

旨事竊查山東運道北接
神京南連吳楚漕艘往來咽喉要地
天儲關係綦重是以從前總河衙門駐劄濟寧城內遙
控上下設立標兵營弁一以催趲漕運一以彈壓
地方原爲有備嗣後河臣移駐清江不特豫東二
省河防難於照應卽地方重鎮防微杜漸之事亦
少經理我

皇上聖謨宏遠

特命河東二省添設總河俾黃水上游捍衛周密而催
漕趲運亦有專司仰見

硃批諭旨

下

三

嵇曾筠

睿慮周詳尤爲超軼千古臣每念濟寧路當孔道爲五
方雜處之區沿河一帶人情刁悍必須兵制嚴明
查輯姦宄方爲有益但從前專管黃河不敢越俎
今蒙

聖恩命臣總督豫東河道提督軍務何敢因循推諉臣
擬趁此黃水未經長發之時一面嚴飭道廳汛弁
督率兵夫在工早夜修守一面馳赴濟寧凡一應
疏泉濟運考驗弁兵稽察夫工利弊等事力爲整
飭卽仍赴黃河工次督理修防庶黃運二河得以
一體稽查不致兩相岐誤矣但未奉

已有旨矣應速往整理
敕書所有應辦事宜未經明晰不敢冒昧擅行臣世受

國恩疊膺

異數勉圖犬馬之報而知識短淺才具駑鈍總求

聖主訓示開導以便敬謹遵循臣謹繕摺請

旨伏祈

皇上睿鑒謹

奏

此奏嘉悅覽焉內外大臣遇應辦理之事咸肯如是毅然擔任踴躍趨赴寧復有叢脞之虞更亦無庸丁寧誥誠矣至於南北分管各務如敕書內有開載未晰者會

硃批諭旨

下

四

嵇曾筠

疏聲明題請

雍正七年四月二十一日吏部尚書總督河南山東河道臣嵇曾筠謹
奏爲運道深通糧艘遄行仰慰

聖懷伏祈

睿鑒事竊臣一介菲材荷蒙

皇上洪恩畀以總督河東河道兼管運河復欽奉

諭旨命臣速往整理隨於四月初二日到濟寧任事所有運河廳汛工程錢糧一面咨會江南河臣移取檔案一面檄行兗寧道造具清冊俟到日詳加查

核并遴委河標左右二營遊擊暨河工效力人員
星夜催趲重運再嚴飭河間官員遵照漕規定例
啓閉外臣卽由濟寧州起程查勘運河并堤閘等
工見一路河流通暢水深六七八九尺不等糧船
銜尾北上現今過濟已有三千餘隻至查濟寧迤
北馬場馬踏蜀山等湖水勢容蓄儘可濟運其安
山一湖少遜至南旺地勢窪下僅能洩運河之有
餘不能補運河之不足至濟寧迤南如南陽昭陽
微山等湖水面寬廣濟運尤爲充裕但湖河間隔
止此一線殘堤除滕嶧二縣工程未經估修外其

餘堤岸歷經前任河臣撫臣題請興修有業已報竣者有現在興工者有因水佔艱於取土屢請展限寬期者臣俱飛檄行催立限趲工飭其設法修整早爲幫築以資衛蓄目今天氣晴明日久臣已分投委員查察泉源力爲疏濬以冀源源接濟況馬場馬踏蜀山等湖尚有未經開放之斗門現在蓄水俟十分緊要方行宣洩濟運是濟寧以至臨清地勢雖高可以無慮所有水勢通暢糧艘利涉情形理合繕摺奏

聞仰慰

聖懷伏乞黃河水勢工程平穩計汛辭爵恭辟外亦
皇上睿鑒謹呈

奏

適春夏之交稍覺缺雨正恐漕運或致淹遲覽奏甚爲
慰悅

雍正七年五月二十四日吏部尚書總督河南山

東河道臣嵇曾筠謹

奏爲恭報黃河水勢工程平穩情形仰祈

睿鑒事竊惟時當夏令汎水將臨臣謹遵

訓旨先事預防所有豫省黃河南北兩岸應行修守之

硃批諭旨

下

六

嵇曾筠

處臣已嚴飭道廳文武汛官督率兵夫鑲墊堅整
足資捍衛又移咨內閣學士協理河務臣徐湛恩
奏勤加查察茲於五月初十日黃河長水三尺二寸
旋即消落一切堤埽工程俱各平穩再運河糧艘
遄行昨於五月十八日全數催過濟寧臣謹恭疏
題報在案目下正屆東昌臨清一帶地勢高阜之處

臣來往稽查閘座督令啓閉依時相機蓄洩以資
浮送俟料理運河事竣臣卽於六月初旬伏汛未
長之前星馳赴豫巡查兩岸工程務保無虞謹將
現在黃河水勢工程平穩情形繕摺恭報伏祈

皇上睿鑒謹錄

奏

今歲春末夏初晴霽多時幸不至旱者賴去冬及二三月雨雪之膏澤耳目前數省缺雨堤工自應無恙但夏旱則秋澇乃理之常伏秋雨汎或不無淋潦之虞先事綢繆最爲緊要也濟運事宜尚可委員料理防河籌策豈容時刻少疎亟宜旋豫督率巡察以盡力保固

同日又

奏爲核定運河夫食銀兩去浮冒以收實效事竊臣

欽奉

硃批諭旨

下

七

稽曾筠

皇上恩命管理東省運河查上自德州交界起下至江
南邳州交界止計長一千一百四十三里爲漕艘
經由要地河則年年挑挖堤則歲歲增培所以運
河捕河泇河東昌上下河五廳汛內共額設淺溜
橋閘兵徭酌壩等夫三千三百三十三名歲領工
食銀三萬二千兩有零至冬春大挑不敷力作加
募夫五千四百七十名幫貼銀六萬二千二百一
十三兩有零小挑募夫一千四百二十一名幫貼
銀四萬四千一十三兩有零俱係州縣經徵解交
河官散給成例相沿已久其中加派多徵扣剋浮

冒等弊種種不一臣現在嚴檄行查令各屬自行
舉首革除外至幫貼一項前河臣齊蘇勒於雍正
五年節省銀二萬三千一百七十二兩零雍正六
年節省銀二萬二千七百二十六兩零但去弊莫
如淨盡立法當垂永久若不確加查核定有成規
恐將來諸弊又緣之而起且既經節省廳汛各官
無所用其浮冒遂將各項夫役應領工食銀兩肆
其扣剋浸漁窮民力作經年博取微利以爲養家
餬口之計今有名無實則裹足不前大挑小挑呼
應不靈甚至掩飾耳目潦草塞責殊非經久之圖

臣謬抒管見現在檄行東省司道費金吾等從長酌議將運河各廳所管汛內通盤核算每年額設夫役若干名應給工食若干兩逐一均勻派定飭令道廳各員點其數目察其工作不許有絲毫虛冒扣剋外其餘幫貼銀兩竟行藩司禁止多派祇照舊額徵收解貯河庫遇有挑淺築堤關係緊要工程再行詳請加募按工雇夫按夫給價則應徵之夫食悉歸實用多派之規費徹數革除所有幫貼羨餘銀兩全以歸公不特有裨國帑無累民生而河道堤工歲修月浚亦無單薄淺

天恩澁之虞矣緣臣才質駑鈍知識短淺一應條分縷
悉之處尚在詳加妥議務期諸事允協方敢恭疏
具

題所有運河夫食等事臣將查核緣由先爲繕摺奏
聞伏祈

皇上睿鑒謹

奏

朕御極之初卽有人條陳此一節經發廷臣會議咸言
不便更張朕意如果有利無弊諒齊蘇勒必早奏聞矣
不可圖邀一時虛譽任意增減臨期束手無策那西補

硃批諭旨

下

九

稽曾筠

東翻致弄巧成拙田文鏡老成練達權量得宜不涉偏
執朕所信任弗疑者當與之密相妥商會摺具奏凡類
斯沽名之舉居功事後罪猶可恕倘於未行之前有意
張揚以示德於無知小人及或議不果行終俾恩歸於
己怨歸於上竝卸過於同事乃取禍之道也萬勿循此
軌轍戒之誌之

此諭亦密與田文鏡看

同日又

奏爲恭謝

天恩仰祈

睿鑒事雍正七年五月十一日臣齎摺家人敬捧

皇上御賜臣母香珠二串藥錠一匣又蒙

恩賞臣香珠二串藥錠一匣臣隨跪迎道左恭設香案

望

闕叩頭謝

恩祇領訖伏念臣父嵇永仁殉節閩疆臣母楊氏時年

二十四歲苦歷冰霜經今五十七載上年仰邀

曠典得蒙錦緞之頒屈今又荷

皇恩復拜靈丹之錫

榮施罔極浩蕩難名竊臣自受任副總河以來原於武

殊批諭旨

下

十

嵇曾筠

陟地方賃居民舍後以河勢下移隨時搶護孑然
一身日往來於豫東二省之交擇險奔馳寓居湫
隘所以烏烏私情不遑將母今蒙

皇上天恩畀臣以總督河東河道兼管運河查總河舊

恩有衙門駐劄濟寧去臣本籍雖千里有餘而一葦
骨肉至情睽違數載一旦歡聚家庭融洩可想而知閱
至此不覺心神爲之俱爽
到署卽蒙

湛恩遙賁崇朝適至臣母踴躍歡忭虔稱佛號恭祝
傳旨致問汝母佳善

萬壽無疆并諭臣殫盡血誠勉圖報效臣追隨膝下彌
深感勵惟有愈加電勉竭力宣防永矢踵頂之捐

糜冀報知此備轉轉何正赫曾益豐大小司員悉
高深於萬一耳臣謹繕摺恭謝
天恩伏祈
睿鑒謹

奏咨開爐奉

覽奏謝矣以卿現居職任而論如欲爲母延年兼貽福
後裔惟在鞏固金堤登沿河萬姓於衽席之安而已除
此別無良技設以全活無數姦匪姑息枉法貪官謂能
積功累行不但上無益於母下無益於子孫且恐冥默
中更造孽靡涯也然乎否耶其審思之

硃批諭旨

下

十一

嵇曾筠

中更雍正七年六月十五日吏部尚書總督河南山東

河道臣嵇曾筠內閣學士協理河工事務臣徐湛

恩謹奏為欽奉固金銀登報所萬按於濟南之安西口利

上諭事雍正七年六月十三日接准河東督臣田文鏡

咨開欽奉

殊批諭旨今歲直隸各省雖不為旱大都雨水欠足從

天來物極必反春末夏初既苦愆暘夏末秋初或恐霖

高潦不免也一切河工堤岸之防護俱當綢繆於早加

倍慎重將朕此諭轉傳河臣嵇曾筠暨大小河員悉

令知之欽此欽遵移咨到臣跪讀之下仰見

皇上睿慮周詳先事綢繆慎重河防無微不至臣欽遵
聖訓卽傳知大小河員愈加敬慎防範於夏末秋初更
當加倍小心各屬河員兵夫咸感激

天恩踴躍奮勉務期防護嚴密時屆伏秋尤當加謹修
守以圖鞏固竊照黃河自桃汛以後水勢逐漸消
落嗣接寧夏府報稱五月十八日水長二尺有餘
臣曾筠於六月初三日赴豫在三家莊芝麻莊查
閱埽壩各工見河水長有三尺五寸隨卽消落則
知寧夏水頭已過嗣後陰雨連綿沁河發水至十

一十二日臣到祥符見河水又長四尺七寸前後
俱未出槽臣復巡查南北兩岸逐細確勘堤埽工
程俱各堅實穩固料物堆積崇墉堤坡草根蟠結
高柳卧柳層層障蔽足資捍禦卽雨淋水溝亦甚
稀少業經嚴飭廳汛員弁隨時督率兵夫上緊填
補竝無絲毫罅隙至曹單二縣工程臣徐湛恩前
往查勘歲修堤工現在陸續趲築諸望壩新做埽
工俱已鑲墊出水八九尺不等現今兩岸禾苗茁
茂三時甘霖疊沛黃沁水勢隨長隨消今歲伏秋
安瀾有象此皆仰賴我

皇上敬

天勤民至誠感召雨暘時若

神明默佑之所致也臣等惟有凜遵

諭旨於夏末秋初伏秋交際之時倍加小心住宿堤岸

晝夜防範分投查察務使兩岸堤工有金湯之固

黎民登衽席之安以仰副

皇上宵旰憂勤諄諄告誡之至意所有欽遵緣由以及

黃沁水勢工程平穩情形理合繕摺奏

聞謹

奏

硃批諭旨

下

十三

嵇曾筠

勉之慎之直待金行序轉水落歸槽方可暫息顧慮也

雍正七年七月二十日吏部尚書總督河南山東

河道臣嵇曾筠內閣學士協理河工事務臣徐湛

皇上恩謹

奏爲恭報伏秋交會水勢工程平穩情形仰慰

聖懷事竊照今歲伏汛陰雨連綿沁黃長發誠如之固

聖諭夏末秋初雨水過多仰見我

皇上睿謨深遠明燭機先臣等凜慎欽遵倍加寅畏以

固河防查寧夏府報黃河水長三次各二尺有餘

沁河報長水四次有二三四尺不等但黃沁單行

則勢甚和緩竝不出槽黃沁竝漲則勢頗浩瀚卑
窪之處間有出漕然皆順軌安行中泓容納深通
不致衝激爲患更兼長水之時風色寧靜波恬浪
平所以河堤鞏固現今伏秋交際正工程喫緊之
時查上年料物備辦原多又有汎船足資輓運現
將兩岸埽工竭力加鑲高厚堤工土牛豐積嚴飭
兵夫就近取用填墊水溝堤頂亦皆平整臣等分
投查勘督率道廳汎弁曉夜巡防俱可力保無虞
恐厪

聖懷謹將伏秋交會水勢工程平穩情形恭摺奏

硃批諭旨

下

古

嵇曾筠

聞伏祈
皇上睿鑒謹

奏

覽安瀾景象朕懷深慰然霜降未過何敢泰然釋念耶
期共加勉敬慎以畢今歲修防旱災工土中豐懃

吏部尚書總督河南山東河道臣嵇曾筠謹

奏爲恭謝

天恩事雍正七年六月十六日臣齋摺家人敬捧

皇上恩賜臣母

御審磁器四種錦香袋十枚又蒙

賞臣花籠扇墜一提臣隨跪迎道左恭設香案望闕叩頭謝

恩祇領訖竊臣樗櫟庸材至愚極陋供職河防毫無報

稱蒙

聖恩高厚俾得迎養臣母寸草春暉皆出

皇仁之浩蕩是以恭摺奏

聞廼荷

聖心悅豫喜動

天顏伏念臣母年屆八旬仰沐

溫綸下問雲霄降福歡洽萱庭從茲臣母得以馴致耄

殊批諭旨

下

十五

嵇曾筠

天語春溫之所賜也微臣母子不知何修而得此又蒙
恩施稠疊
賞賚頻加頒從

皇內府捧至河干臣緘封什襲齋歸臣母遠勝斑衣起
舞臣母恭領

奇珍盈盤耀彩滿室飄香感深喜躍婆娑瞻拜焚香叩
佛虔祝

萬壽無疆臣感切蟻忱實難口達惟有凜遵

聖訓曉夜驅馳實心修守務保兩岸長堤金湯鞏固俾

果能實踐斯言為蒼生造福為母延齡均在其中矣忠
孝所關不敬慎勉可平
洪慈於萬一耳謹此繕摺恭謝

天恩伏祈

睿鑒謹

奏

覽

雍正七年八月初三日吏部尚書總督河南山東
河道臣嵇曾筠內閣學士協理河工事務臣徐湛
恩謹

奏為恭報秋汛水勢工程平穩情形仰慰

硃批諭旨

下

十六

嵇曾筠

聖懷事竊照豫省黃沁兩河自伏秋交會以來循軌安瀾工程平穩臣等已經

奏明在案嗣於閏七月內據寧夏府報黃河長水二次計一尺有餘并二尺不等沁河報長水二次計二尺有餘并三尺不等當沁黃交漲之時臣等飛飭員弁兵夫防閑愈加謹密所喜河泓深廣容納暢流不致泛溢兼之兩岸堤埽工程俱各加鑲高厚填墊堅整雖水勢接連長發而足資捍禦極其平穩目今時屆秋分水勢已定臣等惟有凜遵

聖諭敬謹督令修防直至霜降後方敢竣事所有秋汛

水勢工程平穩情形臣等謹繕摺奏

聞恭慰

聖懷謹

奏

時屆秋分水勢如此堤工諒必無虞矣雖然屈指霜降
尚有彌月之期何可坦然釋懷仍當加謹防護

吏部尚書總督河南山東河道臣嵇曾筠兵部尚

書總督河南山東等處地方兼理河道臣田文鏡

謹

奏爲欽奉

硃批諭旨

下

十七

嵇曾筠

上諭事雍正七年六月十六日臣曾筠齋摺家人敬捧
皇上御批臣爲核定運河夫食銀兩等事奏摺欽奉

硃批諭旨跪讀之下仰見

睿慮周詳無微不至臣惟有凜遵

訓旨加慎加密敬謹辦理緣查勘豫省堤工卽馳至汴

城與督臣田文鏡密爲商議而督臣於此中利弊

亦早已留心體察臣等遂細爲商酌查東省運河

壟斷額設淺溜橋閘等項長夫共計三千三百三十三

名歲支工食銀三萬二千餘兩在於各州縣地丁

項下動用報銷冬春小挑不敷力作則於長夫之

外添設酌補夫一千四百二十一名間年大挑則
於酌補之外又加募夫五千四百七十名所需工
食往例在於民間地土按畝輸錢名曰幫貼小挑
之年共計幫貼銀四萬四千餘兩大挑之年共計
幫貼銀六萬二千餘兩此酌補加募之由總因運
河水勢靡定水小則流緩沙停水大則噴沙淤積
是以大挑小挑乃係運河一定之工程長夫募夫
均係河工必需之力作況力役廼小民分內之事
而幫貼則免其遠涉之勞惟當察除額外之浮費
不便議減一定之幫貼寧留有餘以備不虞無致

臨期而或束手但從前毫無稽察經徵州縣有多
派濫徵之弊廳汛員役有需索陋規扣短冒銷之
弊邇年以來在工員役冒銷之弊漸次清除其他
仍然如故所以臣等各自留心體察以期民免浮
派帑歸實用惟是各夫工食舊額多寡不同有已
支工食而重索幫貼者其應添跨夫應用器具又
令長夫自行雇覓自行購辦不但影射侵漁冒銷
分蝕難以究詰抑且有同一夫役而工食互異苦
樂不均者臣等按其力作通盤核算酌定工食以
爲常則請將淺溜軍橋徭壩等夫每名每歲給工

食銀一十二兩量給器具銀八錢閘夫啓閉辛勤
每名每歲給工食銀一十四兩四錢量給器具銀
八錢兵夫仍照兵餉之例每名每歲給工食銀一
十四兩六錢四分亦量給器具銀八錢以上各夫
共需銀四萬六千五百六十餘兩除各州縣額編
工食銀三萬二千二百四十餘兩外其不敷銀一
萬四千三百二十餘兩在於幫貼項下照數找足
至於酌募等夫自築壩戽水以至啓壩放水內有
需工三十日以至六十日者每日量給工價銀六
分每名量給器具銀二錢亦於幫貼項下照數支

給仍令各該濱河州縣雇募交發河員將到工名
數冊報道廳轉報臣衙門卽遴選幹員分投查點
務使名名著實按工計夫按夫給價則因地制宜
工程既有定限分查總核夫役亦難虛冒其節省
銀兩俱令解交運河廳庫報明存貯以爲河工緊
要工程之用臨時仍

奏明動用報部備案至於水勢有大小淤沙有厚薄
酌補募夫多寡原難預定設有應添應減之處臨
期責令道廳據實詳報以憑酌核務期無誤運行
所有一應夫工確數盈餘銀兩統於冬春挑河竣

事後臣等核實題明另造清冊咨部備案如有扣
短侵冒等弊立即據實糾參嚴加治罪庶帑不虛
糜工收實效夫食無偏枯運道民生均有裨益矣
爲此遵

旨恭摺會

奏伏祈

皇上訓示遵行謹

奏

所議甚屬妥協如應題達照此會疏具題不必贅敘前
奏

硃批諭旨

下

三

嵇曾筠

雍正七年八月二十四日吏部尚書總督河南山東河道臣嵇曾筠內閣學士協理河工事務臣徐湛恩謹

奏爲秋汛已竣恭報水勢工程平穩情形仰慰

聖懷事竊查豫東二省黃河自入伏以來臣等凜遵

諭旨倍切小心所有南北兩岸應行修守之處時時嚴

飭道廳汛弁督率兵夫將土埽工程增加寬厚茲

於八月初旬因大雨積水黃沁又復加長至初七

初八等日接連異漲掃灣迎溜之處長至七尺八

尺不等緣從前汛水尚未全消而天雨連日山陝

兩省伊洛瀍澗丹沁諸水匯入黃河竝漲遂致平
漫出槽一派汪洋直至堤根全賴兩岸堤工堅厚
埽壩防風俱各鑲築高寬足資捍禦所以此番水
長雖消落稽遲連日浸泡而工程穩固不致疎虞
間有臨河越堤逼近黃流水勢騰湧沿灘而上所
恃料物廣多兵夫齊集曉夜搶護竝無貽誤再查
豫省之三家莊原爲首險工程黃流自南而北久
成頂衝之勢以致修守不遑上年曾蒙

聖諭於對岸沙灘相機開挖引河導水東流臣等細加
審視因係曠衍平灘河頭無吸川之形河尾無建

瓴之勢所以未敢輕舉倘河勢稍有遷移卽當乘
時開挖乃此番長水之後南北兩岸沿堤掣溜之
河身俱爲淤斷而對岸大灘之內倏汕深渠中流
直瀉成河竟至大溜離三家莊壩臺約有數百丈
之遠伏思開挖引河非千萬人夫不能趨事亦非
盈萬帑金不能興作今中間自汕河泓奔騰浩瀚
百日之工成於一旦三家莊埽壩俱現淤灘化險
爲平藉非財谷穀樂高實以資興築視以此番水
神力何能至此皆由我王與琳全德兩公與工望具
皇上愛育黎元奠安河岳

聖心誠敬上格於天所以水土治平下孚於地臣等往來河畔目擊情形驚
喜之至愈生寅畏服膺聖訓更加敬慎謹據實奏

聞仰慰

聖懷伏祈

皇上睿鑒謹

奏

所奏欣悅覽焉此乃卿等忠誠敬慎默有以感格
神明之驗朕嘉與慶幸筆不能宣覽愈生寅畏一語來歲

安瀾又可預卜矣我君臣期共加勉以俟

雍正七年十月二十八日吏部尚書總督河南山

東河道臣嵇曾筠謹

奏爲恭報豫省運河通暢糧船全數出境日期仰慰
聖懷事竊照豫省漕河惟資丹衛二水濟運自衛河源
聞蘇門山新泉湧出經臣奏

聞奉

旨欽賜靈源昭瑞匾額嗣後每歲泉源暢流漕艘利涉

然皆於十二月內方得開船北上今年當糧船回
空之日卽預爲申飭疏濬務期一律深通以濟運

行茲據糧道張建德河北道朱藻報稱庚戌年起
運糧船已於十月二十六日全出豫境總由年登
大有輸將既易而各道泉源濬發運河深暢是以
糧艘遄行得如此之迅速我

皇上親灑

宸翰靈源昭瑞

聖德感孚至誠丕應從此億萬斯年皆慶輓輸之利便
矣再查豫東二省黃河水勢消落歸槽兩岸堤工
金湯屹峙臣嚴飭道廳督催文武員弁兵夫堆積
土牛修整殘缺并乘天氣晴明星速運料貯工以

備來歲修防之用臣卽馳至濟寧辦理東省運河
大挑諸務外所有豫省糧船出境日期理合恭摺
奏

聞伏祈

睿鑒謹

奏

覽奏各道泉源濬發運河深暢糧艘於十月內已全出
豫境皆由卿等忠勤任事昭格於上下駭所深慰曷以
神祇是用獲茲佑助切宜愈加誠敬不可絲毫肆念勉之

雍正八年二月二十二日吏部尚書總督河南山

東河道臣嵇曾筠謹

奏爲恭報運河大挑工竣兼陳水勢深通情形仰慰
聖懷事竊臣前赴濟寧一帶督催大挑工程查勘各州

縣水道業已敬謹奏

聞在案伏查上冬今春例屆大挑之年臣以運道輓輸
國儲關係綦重隨嚴飭道廳查估臣復親馳相度自
臨清以至臺莊凡壅沙淤墊之處俱令徹水歸湖
逐段築壩分投挑挖除額設淺溜軍徭等夫通數
赴工力役外其需用酌補加募人夫應給工食銀
兩悉照欽蒙

皇上俞允酌定則例臣凜愼奉行檄飭濱河州縣每名
日給銀六分實數實發竝益以器具之資俾各夫
俯仰有餘踴躍趨事是以欣欣子來歡呼恐後更
幸冬末春初天氣晴和冰雪旋消胼胝之勞未形
其瘁畚鍤之易殊見其速業於二月初旬陸續報
竣以視上年較早完工一月臣又親往察勘見在
在河身備極寬深普律如式淤沙挑淨足資容蓄
臣因查工至泃河已有南來糧艘抵東省境於二
月十五日入臺莊聞聞各幫亦俱陸續前進隨飛
飭沿河廳汛將水櫃各湖口門加謹堵閉以備將

來之用但令啓壩開放汶水灌注接濟現在東省
重運催趲遄行臣看來不特大挑工程早完一月
卽江南糧艘亦早到一月皆由我
皇上宵旰勤求

帝德廣昭天時水澤嘉祥輻輳所致也現今桃汛將屆
臣前往豫工督率修守務保堤防於永固所有運
河大挑工竣水勢深通情形理合恭摺奏

聞伏祈

睿鑒謹

奏

硃批諭旨

下

三

嵇曾筠

覽運河大挑工竣水勢深通情形甚爲嘉悅非卿殫心
籌畫實力經營何能奏此速效耶

同日又

奏爲水利興舉需時道員查勘未竣冒昧瀆奏仰懇
聖鑒事竊照東省水利荷蒙

皇上睿慮周詳

聖謨鴻遠俾沮洳化膏腴之地爲生民規萬世之利甚
要務也本年正月內臣在豫省卽同督臣田文鏡
會委竟寧道呂維炳前赴魚沛二縣一帶下游水
道循溯而南直抵海口令其遍加查勘專心經理

現在沿途逐細勘查尚未竣事今於二月十七日
准吏部咨開江南河臣孔毓珣以呂維炳諳練河
務於河庫河務均關重大等事案內

題請調補淮徐道其兗寧道缺令臣與督臣田文鏡
會同揀選部覆奉

旨康弘勳等依議補授餘依議欽此咨行到臣隨欽遵
咨會去後伏思江南河務重大工多汎險仰厯
宸懷自應就令該道星馳調任但兗寧一道管轄黃運
兩河工程錢糧倉儲河務均爲緊要非閱歷河工
有年者不能勝任臣與督臣田文鏡詳加揀選一

時難得其人且現在興舉水利驟更生手地形水道不克瞭如指掌尤難措置合宜仰懇
皇上天恩俯允暫留呂維炳經理東省水利事竣俟揀選得人堪以委代之日方令其前赴調任庶臣等得以揀選好員而水利要務駕輕就熟尤易見功矣是否可行臣不揣冒昧謹繕摺瀆

奏恭請

敕旨伏祈

皇上睿鑒謹

奏

所奏是田文鏡亦曾具摺陳請但淮徐道所管事務甚屬緊要缺難久懸候朕斟酌有旨

雍正八年三月二十日吏部尚書總督河南山東河道臣嵇曾筠內閣學士協理河工事務臣徐湛恩謹

奏爲荊隆口河勢北趨急請開挖引河以順水性以保堤工仰祈

睿鑒事竊查豫省黃河全勢旣復故道則舊時險要之處必須先事提防茲有北岸封邱縣荊隆口者因南岸淤灘日漸增長全黃大溜逼注北岸該工坐

當數十里之頂衝掃灣汕刷塌卸河厓去堤僅五
六十丈雖現經多備料物加幫戢堤嚴飭道廳汛
弁相機上緊修防務保無虞但查該工乃舊時決
口順治九年河決封邱大王廟口由直隸長垣越
東省運河北注於海興工堵塞需用夫役錢糧累
歲不下數十萬計方得成功今荆隆口與大王廟
古黃池首尾交接咫尺相連內臨積水深潭形如
釜底北面雖有汰黃舊堤卑矮殘缺難資捍禦外
灘皆屬浮沙堤根之下又係舊時朽椿腐埽一遇
黃水漫灘未免氣脈相通若至伏秋汛長水勢奔

騰撞擊總有長椿大埽衛護周密難支經久且埽
工必須歲歲加修需帑繁多而大溜緊逼上堤下
坐呼吸變遷終非萬全之策臣再四思維必須於
上游對岸開挖引河分洩水勢則荊隆口一帶險
工便可邀淤漸成平陸洵爲一勞永逸之舉隨率
同道廳等官乘舟由上而下細加審度現今上游
之黑堽口刷成兜灣天然自立河頭大有吸川之
形至柳園口自高而卑河尾噴瀉亦得建瓴之勢
形勢旣成急應迎溜開挑俾水由兩岸之中泓暢
流東注南北堤工俱堪保護平穩從前武陟之倉

頭口儀封之雷家寺等處引河至今通暢舊日河身業已化爲沃壤桑田今若於荊隆口上游開挑引河便得化險爲平則億萬斯年運道民生皆沐我

皇上胞與生全之德矣臣等查勘詳確隨會商督臣田文鏡亦云引河該挑須早興工當飭道廳確估工長三千三百五十丈需用土方銀二萬七千九百二十兩零因係緊要工程一面先動河銀選委幹員劃地分工檄委河北道朱藻催趲乘時挑挖臣等復嚴加督催務期速竣俟汎水長發相機開放

以保荆隆口古黃池一帶要工敬會疏具
皇題照例請撥藩庫銀兩還項臣等謹繪圖繕摺恭呈
睿鑒伏祈
皇上訓示遵行謹

奏

所見甚是詳覽圖式審度地形允宜開挖引河以分洩
水勢務於伏汛前竣工方爲有益也

雍正八年四月初八日吏部尚書總督河南山東
河道臣嵇曾筠謹

奏爲恭報頭次糧船通數過濟黃運兩河水勢安流

硃批諭旨

下

三

嵇曾筠

奏仰慰

聖懷事竊臣接准部咨頭次過淮糧船三千七百九十

四隻漕臣

水題報欽奉

諭旨命沿河督撫鎮道等官撥兵防護速催抵通欽此

奏欽遵臣隨飛檄沿河鎮將道廳等官上緊催趲撥

皇上兵防護復遴委效力員弁分投往來巡催去後今

督鑒據報頭次糧船通行過濟較上年更加迅速總由

皇上敬誠感召雨澤調勻所以運河水深俱有四五六

七尺不等糧艘遄行民船接踵堪資浮送均無淺

奏
澁之虞至於黃河水勢陸續漸長漸消循流順軌
在在安瀾惟恐聽汎各官習見工程平穩致滋懈
怠復嚴申誡諭思患預防臣往來河濱見二麥秀
實飽綻灘地潮潤倍加濃郁豐收在即黃童白叟
歡戴

皇仁仰見

聖主德洋恩溥上應

天和雨暘時若

指示工程周詳綿密以致民物盈寧平成有慶也所有
頭次糧船通數過濟竝黃運兩河水勢安流情形

硃批諭旨

下

三十

嵇曾筠

謹繕摺奏

聞仰慰聖恩特密以姪男齡盛舉平夙有恩以祖育
聖懷伏祈

睿鑒謹

黃運兩河水勢安流深慰朕懷近日畿內地方頗覺乾
旱朕甚以爲憂覽奏內三麥長茂情形朕不爲豫東二
省雨暘厪念矣

雍正八年四月十五日吏部尚書總督河南山東

河道臣嵇曾筠謹水災剴實漸具補省酌量賑恤

奏為道員貪婪不職有負

聖恩謹循例會叅恭摺

奏明兼陳員缺緊要情由仰祈

睿鑒事竊臣蒙

皇上天恩畀以河防重任督理東豫二省工程凡關寸

朕所以工寸料無不留心稽察一切屬員俱各勉其實心

億不信辦事初不料伊等暗中借索有抑勒賠墊之費併

自莫能掩誌之河道河庫近在豫城耳目之地有滋侵扣

引見時即經有旨諭田文鏡觀祝兆鵬人雖明敏或恐

居官漸不如前每見必嚴加勸諭嗣又於三月十

品行不端當切加訓誠試用是以田文鏡繼有自悔之
奏卿則盛言其優未嘗去口齊蘇勒來京復再三稱其
居官勤慎反露有譏評田文鏡苛刻之意而孰知果不
出朕前言所料也

南河同知劉永錫細加盤問復遍為密察今三月
二十八日又聞該道發給下南河同知陳儀加幫
月堤銀四千兩扣短輕平穢蹟昭著因而察得該
道詭詐行為暗侵硬扣無所不至賊私纍纍殊堪
駭異正在咨會督臣而督臣與該道近在同城會
稿旋來臣即會疏

題叅請

旨嚴究在案惟是該道遺缺甚屬緊要管轄南岸開歸
二府鄭榮二州縣工程數百餘里堤長汛遠又通
省河工錢糧弁兵河餉收納支解皆總滙於此所
關重大必須曉暢工程兼得廉幹而有才者方克
勝任查現任如開封府上南河同知在任守制拖
克拖海在工年久熟悉河務其餘皆學習初成若
夫才守兼優而又諳練河防善能整肅職業者則

惟今保

在任守制亦可暫行如果稱職於叅本奉旨後具疏題

補

題在任守制河北道朱藻一員足以調補但河北一

道責任匪輕尚難其選復未便遽爲更易除臣與

督臣現在酌量就近委員暫行署理外恭候

命下到日卽在豫東二省各員內細加選擇再行請一
至時有旨命卿等選擇保題也
旨補授管河道缺庶臣得收臂指之效矣臣不敢冒昧

擅便謹繕摺具

奏仰懇

訓示敕遵伏祈

皇上睿鑒謹

奏

覽

雍正八年五月初六日吏部尚書總督河南山東

皇上河道臣嵇曾筠謹

奏爲恭謝

天恩事雍正八年五月初三日臣接准兵部咨文欽蒙
皇上聖旨命臣署理南河總督印務隨虔設香案望

闕叩頭恭謝

天恩訖伏念臣樗櫟菲材至愚極陋仰蒙

皇上天恩拔擢洊列卿班畀以河防重寄任事以來寸

長未效乃荷

高厚隆恩有加無已茲以南河總督印務關係緊要著

臣署理又以臣雖久任北河而於南河事宜尚未

熟悉著撫臣尹繼善悉心協辦仰見我
皇上睿慮周詳無微不至矜全怙冒體恤靡遺臣跪讀
恩綸感激涕零徬徨莫措惟有愈加敬畏實心辦理永
皇上慶淮黃底定海甸安瀾工程鞏固間并熙恬以冀
天恩仰報念引對對菲林至愚避國中蒙
洪慈於萬一耳除現在具本恭謝

天恩外所有微臣仰荷區縣督印發銷吏道香案望
新綸感激蟻忱先行繕摺奏日引對對共暗咨文趁蒙

謝伏祈

皇上睿鑒謹

皇奏
覽卿奏謝矣全河底定永慶安瀾惟卿是賴其悉力宣
猷以克副朕望勉之

同日又

奏爲欽奉

上諭事竊臣猥以菲材感荷

聖恩高厚

特命署理南河總督印務伏查南河地方工長汛險淮
黃交匯實爲緊要之區理應卽日起程緣挑挖封
邱荆隆口對岸引河已經告竣現在守候汛水長

硃批諭旨

下

三

稽曾筠

發開放當將一應機宜面商督臣田文鏡并議交代前往詎督臣以封邱引河乃荊隆口古黃池一帶險工藉此預爲補救關係甚鉅今雖挑挖竣工而汎水未發恐開放之時機宜稍有未協便難奏績於臨期且以臣歷年辦理引河著有成效堅執固留臣竊思汎水長發順流東注此地引河固可成功而淮徐等處險工林立亦須及早督查何敢稽遲時日其如督臣十分慎重現在具摺請

旨伏念我

皇上道宏位育功茂平成南朔東西原無岐視可否容

臣暫留旬日開放引河之後卽從封邱工次馳赴淮徐一路查工到任但未經奏請

聖示臣心惴惴實切悚惶之至除現在飛差書吏馳至濟寧衙署檢齊歷年卷案并同領到關防另容交代督臣兼管外臣謹繕摺請

旨伏祈

皇上敕諭遵行謹

奏

自應於開放引河之後赴淮到任所奏嘉是覽焉業命史貽直署理江督尹繼善此際可以分身料理矣將北

硃批諭旨

下

五

稽曾筠

河要務一一明白指示於范時繹然後趨程而南諒未
爲晚

同日又

奏爲欽奉

上諭事雍正八年四月初三日接准工部咨因山東兗

寧道呂維炳經總河孔毓珣題補淮徐道員缺臣

等具摺奏請留其查勘山東江南水道工程欽奉

聖諭著康弘勲照舊兼管將呂維炳暫留充寧道之任

俟新修工程勘估造冊定議之後該督等奏聞令呂

維炳前赴新任其充寧道員缺仍照原議揀選題補

欽此欽遵臣卽催該道星速勘估今於四月二十
一日回濟據該道會同淮揚淮徐二道逐加踏勘
審視上下源流遍歷湖河探量地勢高卑將應行
疏築節宣之處因地制宜相機利導分勢開引以
達於海估用土方夫工冊詳到臣正在會商旋聞
河臣孔毓珣已故而臣等未及勘議其間應疏應
浚機宜殊難遽定今臣欽承

恩命署理南河總督印務俯容臣到任之後履工親勘
詳加相度會同江蘇撫臣尹繼善等畫一定議敬
謹奏

聞恭請

是

睿裁再准徐河務殷繁修守攸關綦重今呂維炳既將

恩命前項工程已經勘畢應遵

旨令其前赴新任至兗寧道缺臣與督臣田文鏡再四

商酌惟有兗州府知府王鴻勳辦事勤慎熟諳河

防吏治工程兼堪勝任臣謹繕摺恭請會商欽聞

訓示伏祈

睿鑒謹

奏

卿於前摺薦舉拖克拖海今何未見言及斯三員中與

督臣田文鏡擇相宜者一人指名題請可也

雍正八年五月十七日吏部尚書總督河南山東河道臣嵇曾筠謹

奏爲恭請

聖訓事竊臣於本年五月初七日接到內閣知照雍正

八年四月二十九日奉

上諭前總河孔毓珣未故之前凡所奏河工事宜摺子朕皆一一批發計此時有雖到而尚未施行者亦有未經接到者爾等可卽行文與嵇曾筠及孔毓珣之子凡有關係河工事件批示摺子著孔毓珣之子悉

硃批諭旨

下

尾

嵇曾筠

交與嵇曾筠其有未經拆封者悉令嵇曾筠開看遵
照辦理欽此臣卽望

闕叩頭凜愼欽遵訖竊思南河地方汎遠工多如清口
之淮黃交滙高堰之湖河屏障攸關運道民生而
且淮徐一帶爲上游之門戶安東各處係洩水之
咽喉更爲關係匪輕其間因地節宣相機疏築防
河濟運均須斟酌萬全臣特邀

曠典膺茲重寄卽思瞻覲

天顏叩請

聖訓祇以封邱對岸挑挖引河守候汎水以致稍遲旬

命晉日今引河業經開放汎水亦已盛長南工緊要未
目事敢再延臣卽從豫東一路循歷河濱查勘工程前
往赴任所有欽奉

皇上硃批孔毓珣奏摺凡關河工事件自當敬謹開拆
遵照辦理臣世受

國恩疊膺

異數勉圖竭盡犬馬之報而知識短淺才具駑鈍敬懇
聖主多方訓示開導愚蒙庶臣得以凜遵恪守更感
天高地厚之恩於生生世世矣除起程日期另疏

題報外臣謹繕摺恭請

硃批諭旨

下

庚

嵇曾筠

訓旨伏祈

皇上睿鑒謹

奏

遇應訓誨處自必隨時批諭無庸懇請切囑者或因慎

重錢糧起見預疑屬員侵剋以致稽延緊要工程只此

一節少爲卿慮事事常存過猶不及之念其庶幾乎

皇上同日又諭

奏爲請

旨事竊惟南河地方汎險王多詎以菲材奉

命督理必得勤敏幹員隨臣調遣方爲有益茲有現任

河南衛輝府通判范昌治才猷敏練熟諳修防經

臣保

題引

見奉

旨補授今職查衛河原屬內汛本非要缺可否仰懇

天恩容臣帶至南河查勘工程或遇有相當員缺另疏

具題補以收臂指之用再有河南虞城縣革職知縣李

槃爲人誠實曉暢河防前因諱盜叅處經臣具

題引

見奉

硃批諭旨

下

三

稽曾筠

旨留工效力又有原任山東博平縣縣丞姚世理諳練
河務勤慎穩當經東昌府上河通判白礫保詳督
撫出具考語送部引

見奉

旨命往河南酌量委署試用再有原任直隸吳橋縣縣
丞劉永錡河務嫻熟辦事小心向年效力豫工取
有本旗身家殷實印結在案嗣後效力水利營田
題補今職因弓馬生疎解任學習查該員弓馬雖未
熟練而河防尚能曉暢以上各員均屬有用之才
可否并懇

天恩容臣一同調至南河酌量委用則調遣有人分查
中無誤庶於河防諸事得收實效矣爲此繕摺請
旨伏祈

皇上訓示遵行謹

奏

准照所請帶往一面咨明該部但隨帶舊屬未必卽收
臂指之用而南河現在人員不無先存親疎之嫌反恐
益少而損多朕屢諭各省督撫之旨甚屬明晰河工雖
非他任可比亦當再四酌量或於其中減退一二人或
竟全數帶去酌妥而行異時方知朕言之不謬也

雍正八年六月初六日吏部尚書總督江南河道

臣嵇曾筠謹

奏爲欽奉

上諭事竊照兗寧道呂維炳查勘山東江南水道已經

詳報竣事應赴淮徐道新任所遺之缺會商督臣

奏田文鏡擬將兗州府知府王鴻勳補授特具摺請

旨欽奉

硃批卿於前摺薦舉拖克拖海今何未見言及斯二員

中與督臣田文鏡擇相宜者一人指名題請可也欽

天恩此伏查拖克拖海在工年久熟悉河務原屬幹練

北門之員前因管河道祝兆鵬會叅遺缺緊要當經奏
賈太薦拖克拖海竝河北道朱藻足膺調補嗣與督臣
奏面爲商酌河北一道分守彰衛懷三府兼管北岸
黃河堤埽工程密邇運河尤爲喫緊屈指屬員內
堪以代朱藻辦事者一時難得其人未便遽爲更
調維時臣等卽將拖克拖海委署管河道印務見
其料理才情頗有可觀臣與督臣隨經會疏

題補管河道缺現在祇候

聖旨至兗寧道缺吏治河防均需練達臣查王鴻勳於
雍正元年隨前河臣齊蘇勒堵築楊橋漫口河務

熟嫻卽近年兗州府任內官聲甚優實與兗寧道
望旨相宜現在督臣與臣會題請補查王鼎燠
旨其拖克拖海已經擬補管河道於前所以臣未敢奏

及也茲蒙降

旨垂詢臣謹繕摺

奏明伏祈 聖鑒謹摺

皇上睿鑒謹摺

奏明伏祈 聖鑒謹摺

覽奏方始了然明晰前次奏摺中聲明一語則朕可省

此問矣

雍正八年六月二十五日吏部尚書總督江南河

道臣嵇曾筠謹

奏爲清口暢流朝宗有慶恭慰

聖懷事竊查江省清口爲淮黃交滙南河第一要區必
須勢均力敵二瀆合流方與運道民生大有裨益
臣於六月初十日到任之始當詣清口看得東西
束水二壩高峙整齊中間水勢深通自洪澤湖滔
滔暢出併力敵黃二水潏洄交會東注於海詢據
濱河父老咸稱數年來清口無此充暢臣因閱視
高堰工程復由清口迤上查勘引河七道俱已刷

通逐一探量現在張福口水深七八九尺至一丈
二三尺不等裴家場水深七八九尺至一丈三四
尺不等張家莊水深六七八尺不等爛泥淺水深
八九尺至一丈不等三岔河水深八九尺至一丈
二三尺不等天然引河水深六七八尺不等天賜
引河水深四五六七尺不等不須疏濬在在通利
誠如

聖諭如果淮強黃弱便不引亦必暢流況蒙

恩指示發帑修築現今高堰山盱一帶土戩工程業已
高寬堅厚卽緊閉各壩蓄清專力敵黃亦可萬全

無慮皆荷我

皇上睿慮精詳至誠感格廼克臻此嘉應也再查徐屬

邳睢宿虹桃源外河山安等處俱係黃河要工目

今伏秋交際修守機宜刻不容懈誠恐工長汎險

廳佐營弁勤怠不齊臣已遴委效力人員在於緊

要處所畫地分防協同廳汎相機保護臣隨前赴

各工挨次勘視添發銀兩僱備料物嚴督弁兵遇

有掃灣迎溜之處預爲進埽加鑲不使險成費倍

至於善後大工案內土埽工程雖經限滿尚未

題銷臣當一併細加查閱容臣循歷遍日另行具

奏外今將淮黃經過伏汎順軌安流清口通暢工程
穩固情由臣謹繕摺奏

聞恭慰
聖懷伏祈
皇上睿鑒謹
奏

屢戒卿等大言肆志不啻三令五申迺此慰朕之摺尚
未齎至而馳驛報災之本已先呈覽不但朕懷無由而
慰卿顏能不赧然爲因今歲北地雨澤歉少恐至夏秋
霖潦頻譴慎防汎水泛漲言猶未已今果如是矣善後

事宜若不能會商詳計區畫萬全則何面目對靳輔齊
蘇勒之祠堂乎悉心竭力勉爲之留新省委用吳否何

同日又

聖奏爲請

旨事雍正八年六月十二日臣齎摺家人恭捧

皇上御批臣奏請隨帶人員奏摺到淮欽奉

硃批諭旨臣跪讀之下不禁感激涕零伏念臣以菲材

遭逢

聖主異數殊恩有加靡已

生成訓示在在周詳清夜捫心報稱無地前因南河工

硃批諭旨

下

器

嵇曾筠

主奴程臣未嘗熟悉受茲

簡任莫知所措犬馬愚忱誠恐有負任使故將衛輝府

通判范昌治等四員

奏請隨帶以供臂指共期宣力保工永賡底定仰慰

宸懷今蒙 奏請隨帶人員奏謝隆恩謹奉

天語春溫洞鑒深遠十二日 齋靜家人恭奉

聖諭詳明亟宜凜慎欽遵臣復逐一酌量僅將現任衛

輝府通判范昌治原任吳橋縣縣丞劉永錡二員

調至南工以資差遣其餘仍留豫省委用是否可

行仰乞

皇上洪恩批示以便遵奉咨部臣謹恭摺請

旨伏祈聖鑒施行謹奏

奏

所欲帶往之員料不過拖克拖海一流人物尚恐莫及
何足深信凡爲大吏者設弗存無我之公忠而懷爲人
之私鄙則不免識近庸愚也要須看透此一著方是

皇上雍正八年十一月初八日吏部尚書總督江南河

道臣嵇曾筠蘇州巡撫協理河工事務臣尹繼善

謹

奏爲石工關係重大趨築酌分先後據實備陳仰祈
睿鑒事竊照高堰石工蒙我
皇上軫念運道民生
特恩頒發百萬帑金創築高厚長堤以建萬年鞏固之

基

命前河臣孔毓珣等相度機宜大加修治誠爲握要提

綱一勞永逸盡善盡美至計當經前河臣孔毓珣

會同臣尹繼善公同勘議繕摺奏陳竝委員領帑

各處辦料在案臣曾筠到任以後屢詣該工逐一

查勘竭力督催以冀早爲告竣上副

宸衷懸注今幫築土戢已經修整一律完竣其石工各料現在立限嚴催乘此水落星飛趲運以濟修築臣曾筠前往該工加謹先做樣工一段尤恐開挖甚深地泉滲灌迺開槽至一丈九尺底土乾燥人夫得以立足簽樁放心甃砌臨湖築工得此土頭誠爲希有惟是承修各員內有現任廳營及向係在工效力者亦有奉

命新發來工并前河臣孔毓珣

題留承修者領工遲早不同則辦料亦先後不一而各料之中惟石料最多或辦自江南或辦自山東

今秋陰雨連綿在山之石旣難開採湖河水大已
採之石復難運送是以不能依限運足若不按工
料料槩令一齊拆砌恐六千餘丈之長堤普律開
挖成槽萬一砌未及半料不接濟轉瞬春汛全湖
風浪關係非輕臣等再四思維惟有令承修各員
按其現到料物陸續開工倣照樣工程式未完之
前仍留外面舊堤以爲保障旣築之後漸次拆砌
舊石以作全堤一面兼工分築一面嚴督趲運庶
已砌者各料應手計日可完未砌者原堤具在風
浪無虞興工雖有後先收效仍無二致臣等爲慎

重要工起見理合先行繕摺據實陳明伏祈

皇上睿鑒謹

奏

此議甚善如是修砌庶免意外疎虞

雍正九年四月十一日吏部尚書總督江南河道

臣嵇曾筠謹

奏爲敬陳查勘各工修築事宜仰祈

睿鑒事竊照黃運河堤增修善後伏荷

聖恩發帑興修仰見我

皇上宵旰勤求無時不以河定民安爲念臣祇遵辦理

硃批諭旨

下

四七

嵇曾筠

皇上

竭蹶奔馳兢惕彌深矢圖報效謹遍歷查勘黃河

聖恩

上自徐州下至海口運河上自邳州下至江口兩

岸堤工

縱橫綿亙幾及二千餘里誠恐該道廳勘

估未當

臣親身履堤復加查核權其緩急先後審

其高矮分寸勘估一定趁此青黃不接之時卽爲

發帑乘時修築并嚴飭承修印河各員令於附近

地方招集貧民力作每日散給現錢以廣

皇仁而收實效到處歡呼踴躍現在上緊趲修其山東

呈上

禹王臺壩工實爲江南下游之保障緣上年咨商

修築未免隔屬耽延仰賴督憲實刺即爲

聖明

諭旨星馳臣卽前詣該工看得沐水源長性猛今於現
皇上在竹絡石壩二十七丈之外依其頂衝形勢統建
閘分石工六百餘丈蓋以竹絡盛石厚重堅凝隨沙坐
實且於上秋水力猛峻若此而石壩屹然不動已
有明驗其餘接連崗阜仍築土堤沐河口門大爲
挑浚以順其入海之路所有應需料物臣已發帑
購辦上緊疏築務期壩高而堅堤實而厚河浚而
深堵截沐水俾其循由故道直趨入海以除上秋
浮溢致病之根以爲運道民生永遠之計再江工

引河業已挑竣夾江鐵心壩亦已築成從前夾江
之水逼注瓜洲今創築壩工攔截俾夾江之水全
歸南岸依山東下而瓜洲水勢頓減一丈有餘將
來伏汛屆臨開放引河之後大溜自必更加分減
瓜城可保無虞矣謹將微臣查勘各工辦理事宜
恭摺奏上

聞伏祈上六旬餘文蓋以甘霖盈口旱重望發
皇上睿鑒謹奏
備奏呈
嘉悅覽焉保障江河一切要務惟卿是賴勉爲之聖人

垂訓智仁勇三字竝重缺一不可在卿分中勇字更當
加勉凡應獨力承當之事槩弗推諉下吏自必咸皆感
服奮興無論鉅細工程須集衆心羣力方始成功非一
二人所可能者運道民生關繫綦重省帑乃屬末節萬
勿狃於節慎之見以致因小而誤大也誌之

雍正九年四月二十一日吏部尚書總督江南河

道臣嵇曾筠謹

奏爲請

旨事竊臣准工部咨開准管理正紅旗漢軍都統和碩
莊親王咨送本旗河工效力革職筆帖式毛浚首

硃批諭旨

下

兗

嵇曾筠

告河道康弘勲河工積弊應將毛浚并原呈發交河道總督會同江南總督將案內各款有名人員秉公審明律擬等因摺奏奉

旨依議欽此欽遵隨經移咨押發到臣遵卽轉咨督臣會飭布按二司提齊犯證確審詳擬以憑會勘但查毛浚呈控康弘勲侵帑營私事關重大理應嚴究以肅河工今河庫道康弘勲係屬現任經管錢糧出入現在聽審未便仍行辦事相應奏請解任以便質審所遺河庫道一缺專司河帑攸關綦重必得謹飭廉隅出納明慎之員方克副錢

糧重任并可表率通工查有新任揚州府知府張
師載爲人端方辦事謹飭係原任禮部尚書張伯
行之子合無仰懇

皇上天恩俯准該員就近補授河庫道自必益加勉勵
報效至揚州府沿河要缺懇

恩另簡賢員轉移補授俱可無誤所有請將康弘勲解
任質審并懇請將張師載補授河庫道緣由臣因
整飭河工起見冒昧繕摺

奏陳伏祈

皇上訓示遵行謹

硃批諭旨

下

五

嵇曾筠

皇奏
張師載人雖端方或恐新任不諳河務與尹繼善再加
斟酌具題奏請

雍正九年五月二十二日吏部尚書總督江南河
恩民道臣嵇曾筠謹

奏爲遵奉

聖訓宏深并陳工程水勢仰祈
睿鑒事竊臣於謹陳查勘各工修築事宜奏摺欽奉

皇上硃批諭旨跪讀之下悚惶誠服恭荷
指示智仁勇并河奏奉

訓誨精微蓋以天德治道智仁勇原爲竝重而刻勵勇者正所以勉爲智仁更闡千古不傳之奧義復荷訓旨詳明鼓舞羣策羣力而協同其心志恢宏經費利濟運道民生而不計及金錢大哉

皇言

聖德如天至誠動物典謨誓誥垂著萬年伏念微臣賦質庸愚叨蒙

聖主裁成教育儆惕其未逮策勵其將來凡有一得愚誠悉稟

聖明睿訓廼蒙

殊批諭旨

下

奎

嵇曾筠

天語褒嘉頂踵倍難於報稱更凜

宸章誥誥勉益勵於旦明伏查近日工程情形增修
善後一案前經臣遍歷相度勘估既定之後印河
各官既分段承修應募貧民復歡呼踴躍是以成
功較速臣復親行查勘多遣幹員逐一住工監催
潑水重礮攤坯密杵頗爲堅實指日普律完竣以
資捍禦山東禹王臺壩工計石絡六百餘丈工程
業經報完現在加鑲邊絡一應土石疏濬各工伏
汛前俱可全完再查四五月內水勢情形仰賴
皇上精誠昭格懷柔俟應黃水旋長旋消現今堤工高

出水面一丈二三尺不等埽工高出水面八九尺
不等安流循軌益謹修防至南河各工惟宿虹廳
屬黃河形勢自徐邳兩岸山形夾束而下一折於
南岸蔡家樓再折於北岸葉家莊而北岸附近宿
遷山麓餘氣土性堅實不得不又折於南岸之古
城孟誠庵等處百餘里之掃灣旋折勢大力勁且
北岸逼近運河亦屬清黃交會之處甚爲險要是
以臣愚惴惴亟請築石壩以遏沫水於上濬六塘
河以導駱湖於下增其屏藩啓其橐籥以爲保全
之計業蒙

俞旨興修自此不患其助黃添漲而惟在禦黃得法臣

謹於六月移駐宿虹堤岸相機防護并可策應各

廳至料物比照豫王立限辦完州縣盤查出結各

工堆貯崇墉櫓比儘可應用臣惟有恪遵

聖訓多方籌度竭盡犬馬董理身先率同僚屬協力齊

心以仰副

皇上軫念河防之至意不敢少有旁卸亦不敢徇於節

慎致滋貽誤現今徐邳宿桃一帶雨水調勻刈麥

晴霽收穫豐稔米價頓減皆由我

皇上基宥密以格

穹蒼備裁成而回造化喜氣雲蒸歡聲雷動
天意人心太和翔洽自是安瀾有慶民悅無疆理合一併

奏

聞所有微臣遵奉

訓諭并陳河工情形敬謹繕摺具

奏伏祈

睿鑒謹

奏

覽奏深慰朕懷安不忘危一語固爲治平之要術亦廼
修防之祕訣當拳拳服膺不可須臾輕意肆志也

硃批諭旨

下

三

稽曾筠

同日又

奏爲恭報江工開放引河日期仰祈

睿鑒事竊照大江北岸瓜州花園港一帶緣江溜北趨
城垣運道坍卸堪虞經臣奏請開挑正人洲引河
分溜南行以保北岸仰荷

聖明燭照

俞旨星馳臣祇遵辦理其挑挖引河創建夾江壩工疏
築情形俱經節次

奏明今各工俱已完竣長江水勢正當盛長之時臣
飭委淮揚道率同承挑各員乘勢開放并面授機

宜去後茲據報呈遵於本月十八日齊集兵夫畚
鍤雲集開放之頃第見水若排山大溜直趨引河
奔騰之勢直達河尾及開攔潮尾壩雖外面水高
數尺而上源來水湍急抵禦出江衝刷更爲有力
兩岸民人聚觀洲上民船商舫順流揚帆俱由新
闢引河南下一時衆口歡呼咸各項戴

皇仁又據廳營汛弁稟報僉同臣隨飛檄道廳江工引
河初放嚴飭防範善後其夾江貼心大壩并兩頭
接築土堰崙爲攔遏引河漫灘并潮汐湧掣不使
斜注東北亟令僱築加高鑲做防風以資捍禦收

又長堤埽工程業已搶築加高湖流循軌東注總
因禹王臺竹絡壩工修築完固約攔湖之上源不
使沐水合流又六塘河疏濬通暢宣洩湖之下游
俾得去路順利是以湖水雖大而無疎虞伏查沐
水於七月初九等日長至七尺五寸至二十九日
又陡長一丈而禹王臺千丈壩工抵住水勢卽由
沐河就近入海不得下趨所有邳宿黃運湖河一
帶運道民生咸資利涉而登衽席再查黃河水勢
自徐邳以至雲梯入海大溜順注水行沙刷毫無
阻滯凡掃灣迎溜之所埽壩高堅屹如磐石料物

堆貯甚多雖秋汛綿長兩岸工程可力保平穩洪
澤湖水勢加長舊例開放天然等壩宣洩臣念高
寶濱河沃壤秔稻倍加茂盛欣值時和歲稔築場
納稼指顧秋成未便再行浸灌況敵黃濟運尤屬
緊要是以臣將天然等壩堅守不放涓滴不洩俾
清口益爲順暢下河苗稼各得遂其長養秀實今
入秋以來湖水長至六尺有餘風恬浪靜湖工寧
謐上秋被水之處如高郵寶應江都鹽城興化等
州縣今已數倍豐收農夫野老含哺鼓腹歡呼載
道依然巷舞塗歌至於江工開挖引河堵築夾壩

業已分其溜勢桃伏兩汛平穩之至至七月初旬
疊遇風潮今秋水又大瓜洲民居稠密市舍繁
多臨江地土連年坍塌逼近城池殊爲危險臣多
方籌畫曉夜經營沉石船以護崖垠築石絡以保
崖岸用柳草捆紮龍尾埽以禦潮汐臣復思江面
寬廣水力峻猛因將各工購貯木植指授做法紮
筏成簾作壩挑水安放移時當卽挑開大溜數十
丈水勢安瀾居民士庶咸爲踴躍歡忭向非挑河
築壩早分其勢遇此秋漲當必倍費周章總仰賴

我朝基業維艱歷代興亡兩氣工豈可不一籌而

皇上聖明天縱重念江防緊要不減河防一旨懽懽
聞陳奏卽奉

硃批速議俾臣得以早爲修護用資防禦今秋汛已見
平安而來年桃伏秋之水勢工程仍當於今冬預
爲辦理有備無患臣惟矢竭心力審度萬全務期
黃淮底定永慶安瀾以仰酬
高厚隆恩於萬一恐厪

聖懷敬將八月水勢各工平穩情形恭摺奏

聞伏祈

睿鑒謹

硃批諭旨

下

七

嵇曾筠

奏

以手加額覽焉有旨諭部矣

聖訓 雍正九年十二月十九日吏部尚書總督江南河道臣嵇曾筠謹

奏爲奏明償辦修築情形并陳慎工節帑事宜仰祈

睿鑒事竊照江南黃運湖河蒙我

皇上睿謨宏遠

訓示周詳現今各案工程俱得整理遞加修守運道民

生均荷

天恩萬年利濟伏查高堰大工臣上緊催督勸懲互用

歲底已有七分工程且三冬天氣融和夫衆得以
展力凡在工官民匠役莫不歡欣踴躍感頌

皇仁自此大工漸次告成得以仰副

聖懷至瓜洲濱江要工經臣奏明於對江挑挖引河攔
築夾壩分溜南注而北岸花園港等處酌用椿埽
相機建築挑水壩以禦外溜但城垣之下地脈虛
鬆必得填實基址以爲內固因倣照前人保守江
海塘岸之法用高大木櫃裝載石塊深埋地底俾
江溜不致搜刷以護崖岸其所需工料臣亦不敢
另請帑銀惟於來年歲搶錢糧內通融計處再查

本年新善後大工一案業經告竣現在逐細丈量以核土方而預備明年物料已經沿堤堆貯復委印官逐細盤查以杜浮冒又於擬定成規案內臣悉心詳議凡柴束椿木石料土方等項或照時查驗乾濕或按程途遠近或照取土乾濘逐一遞減相平比照舊例土方每用至十萬兩者可約省帑銀八千餘兩至一萬餘兩椿木每用至十萬兩者可約省帑銀四五千兩石料每用至十萬兩者可約省帑銀五六千兩俱係確核酌定使各廳無有偏枯而帑項亦可節省業經恭疏會大京師奉天各督撫

題在案倘蒙覆准積年計算或於工帑不無小補所
有僭辦要工情形節慎工帑事宜臣謹據實恭摺
奏陳伏祈

皇上睿鑒謹

奏

工程既能趲辦帑項又不虛糜可嘉之外更復何諭

同日又

奏爲欽奉

上諭事竊臣接准戶部遞到大學士張廷玉等寄字內
開雍正九年十一月十五日奉

硃批諭旨

下

堯

嵇曾筠

上諭爾等所奏登鎮河標漕標添兵之處行文各處時
再寫信與總漕兩處總河登州總兵官文到日著卽
行召募挑選務擇技勇漢仗可觀之人充補毋得延
玩怠忽虛應故事一應添設員弁營房事宜亦作速
會同督撫定議具奏其兵丁召募完日先行知會爾
等欽此欽遵又准戶部咨內開遵

旨酌議請將漕標及兩河標兵各添設一千名與添設
登鎮陸路之兵共四千名精選技勇壯健之人一
應馬匹盛甲軍器務製備齊全一有調撥卽可起
程其應加守千等員及應建營房會同該督撫詳

酌妥議具題等因奉

旨依議欽此移咨到臣當卽欽遵飛檄司道標營星將
添設事宜一面籌議一面召募務期挑選年力強
壯熟嫻技勇之人方准入伍其營馬一項最關緊
要理應星速購買若必俟議定始於司庫領價赴
買誠恐往返稽延臣一面遴員暫借河庫帑銀令
其速往直隸等處採買但路途遙遠隆冬草枯卽
尅期辦到餵養尚需時日一面諄諭通工文武官
弁卽在附近地方領價協辦一百餘匹事屬衆擎
易舉一俟兵丁招齊卽爲分發如有調撥先有協

辦之肥馬并添選兩營之舊馬儘可足用其一切
軍裝甲械行營礮位在所必需臣逐細開單條分
縷析飛檄司道標營隨議隨辦解送呈驗不致臨
玩事周章至加添守千等員及營房糧餉事宜現在
督撫各臣俱集清江會審臣面爲商酌妥協會同
題伏念微臣由詞臣通籍疊蒙
皇上隆恩豫東江省畀以封圻重任際此修明武備寧
輯地方之盛舉惟有殫心努力敬謹辦理尅期完
備卽行奏
聞臣當親督弁員勤加操練以冀少助干城之用仰慰

宸衷於萬一耳所有遵奉趲辦添兵事宜臣謹據實恭

摺

奏陳伏祈

皇上睿鑒謹

奏

折衝於樽俎之間正謂詞臣能禦侮也但貴實心任事
何有文武之分辦理得宜嘉是覽之

雍正十年正月二十一日吏部尚書總督江南河

道臣嵇曾筠謹

奏爲欽奉

硃批諭旨

下

空

嵇曾筠

上諭事雍正十年正月十一日臣齎摺家人敬捧河標
增添兵馬事宜奏摺欽奉

硃批諭旨臣跪讀之下感激涕零伏念臣以庸愚仰沐
聖恩高厚旣畀封疆重任卽爲軍旅攸司况蒙
訓勉洪慈敬荷

聖明指示自當益勵愚悃勉竭駑駘敢謂文武之分途
猥以書生而謝責今新募兵丁已足一千名之數

臣親加細驗俱稱勇壯內以六百名留駐清江以
四百名分發徐宿兩營收伍卽於兩營舊兵頭目
內考拔技勇優長弓馬嫻熟者數人授以外委千

表
把令其教習新兵勤加訓練又調委守備二員約束稽查并諭署徐州營副將葛世雄右營遊擊黃正元等凡入伍兵丁俱卽開支糧餉分別馬步戰守考其勤惰優劣上緊操演不獨使新兵由此慣習且使舊兵益加精練臣仍不時親督校閱申嚴賞罰鼓勵振作務使技藝精熟行伍整齊冀成節制之師以備干城之用設有調遣卽堪驅使庶幾
上副

聖謨下抒臣悃不敢草率因循稍爲怠忽也所有召募兵丁足數現在勤加訓練緣由相應遵

旨先行知會大學士等外臣謹繕摺具奏
奏明伏祈 聖上睿鑒謹

奏

不時校閱加意勤操弓馬固須熟嫻步伐尤宜精練令
士卒演習趨捷若能日趨百里則涉險履平何往不利
此雖難期驟效可以由漸而成

雍正十年三月初八日吏部尚書總督江南河道

臣嵇曾筠謹

奏爲甘雨麥苗霑足運河水勢深通據實奏

聞恭慰

聖懷事竊臣因桃汛將屆前往徐邳一帶查勘工程見兩岸麥苗青蔥茂盛自二月初二日得雨之後或三五日或七八日卽得雨一次徐邳淮揚等處麥田俱各霑足父老歡呼踴躍祈望豐收其運河水勢上下皆各深通糧艘通行無阻至上年所做新善後工程久經告竣臣俱委員逐段詳勘凡有虛鬆不足之工立卽押令補修如式復又親自抽段丈量務令俱照原估一律堅厚現在料物櫛比盈堤盤查確實本年歲搶埽壩工程亦皆逐細指示

硃批諭旨

下

奎

嵇曾筠

各廳乘時加緊儻做以禦汎水所有兩岸堡房現
俱建蓋堡夫亦卽日召募齊全臣惟有恪遵

聖訓殫心竭力不敢一刻稍有懈弛不敢一事稍有疎
忽務期黃運湖河各處工程均如磐石之安永奏
安瀾之慶上慰

聖懷惟祈我

皇上於日理萬幾之中節勞頤養保合太和此微臣拳

拳孺慕之忱日望

九重而翹祝者也謹將臣查勘工程目覩雨水霑足運

道深通情形據實恭摺奏

聞伏祈
睿鑒謹

奏

覽雨水霑足運道深通情形曷勝額慶朕躬近已大愈較之未病之前更覺爽健絲毫無庸過慮也

雍正十年六月初八日吏部尚書總督江南河道

臣嵇曾筠謹

奏爲伏汎水勢工程平穩情形仰祈

睿鑒事竊照伏汎以前臣恪遵

訓諭查勘各工備料修防一應埽壩務令出水高厚以

殊批諭旨

下

奏

嵇曾筠

資捍禦業經具摺

奏明嗣於閏五月間淮徐淮揚地方甘霖疊沛又兼
淮水長發上源豫省七十二道溪河之水俱滙注
於洪澤湖陸續加長八尺有餘更比黃水少強幸

賴

皇上睿照幾先發帑修築高堰石工一律加高足以抵
禦湖水由清口暢流入海臣見水勢盛長隨親赴
下游山安海防一帶督率加鑲埽壩工程飛飭廳
汛員弁兵夫晝夜上緊修守况南岸徐家莊北岸
四套皆係新築土工尤當竭力保護但見水勢滔

滔東注兩岸俱各平寧伏查淮水積長二十餘日
尚未消減而寧夏又兩次報黃水長發臣恐淮黃
竝漲工程民社攸關隨查照往例將山旰廳屬之
天然南壩酌量開放宣洩洪湖之水親赴高郵寶
應一帶查勘運河先將芒稻閘開放宣洩入江次
將高郵減水壩酌開一二處俾其從容漸進由各
港口串場河入海免致臨期湧激有宣洩不及之
虞總之今年汛水雖大而料物豐盈又加謹搶護
上下閘壩宣洩得宜自無意外之患現在各工鞏
固伏汛平安臣思秋汛接踵繼至不敢稍懈一面

飭令淮徐道駐劄上游淮揚道駐劄下游區上下
往來策應查察務保兩汛平安以仰副
聖心於萬一耳所有伏汛水勢長發各工平穩情形理
合恭摺奏

聞仰慰
睿懷謹

奏

淮黃竝漲亟應酌量宣洩但以理揆之伏汛既大秋汛
水勢自將平減然亦何敢預必仍須加意慎防

雍正十年八月二十一日吏部尚書總督江南河

奏道臣嵇曾筠謹

奏爲恭報秋汛已竣水勢工程平穩情形敬慰

聖懷事竊惟江南黃運湖河水勢前於伏秋汛內經臣

節次

奏明荷蒙

皇上睿慮周詳

訓諭小心防護臣凜愼欽遵加謹修守因七月望後天

聖貽雨連綿水勢浸長隨復飛飭道廳汛弁用心防守

臣往來查察相機搶護雖沿海風潮甚大抵住黃

流而兩岸埽壩加鑲高厚料物豐餘人力齊集足

硃批諭旨

下

奏

嵇曾筠

資捍禦目下秋汛已竣工程鞏固臣不敢因汛水
過期稍爲懈怠惟有凜遵

聖訓倍加勤惕矢誠矢敬慮後思前務保河防永固運
道深通以冀仰報

皇上天恩於萬一耳除秋汛水勢另行會疏

題報外臣謹將各工平穩情形先爲繕摺具

奏敬慰

聖懷伏祈
睿鑒謹

奏

覽奏秋汛安穩情形惟以手加額爲沿海濱河億兆慶幸焉耳

雍正十一年三月初七日吏部尚書總督江南河道臣嵇曾筠謹

奏爲欽奉

上諭事雍正十一年二月二十一日接到大學士張廷玉寄字內開雍正十一年二月十二日奉

上諭年來嵇曾筠辦理河工甚爲妥協但黃河工程關係緊要除嵇曾筠外欲更覓一明曉河道情形者不得其人朕思高斌現在江南管理鹽政若從此講論

河工事務將來可望熟練著就近在嵇曾筠處學習
竝非以嵇曾筠不能專理更須人協助也爾可寄信
與嵇曾筠令其留心教導竝寄字與高斌令其加意
學習凡有題本奏摺之處高斌俱不必列名欽此遵
旨寄信前來臣跪讀
聖諭感戴

高厚莫可名言竊臣樗櫟庸材仰荷

知遇隆恩教養優渥自奉

命宣防由北河復調南河叨膺重任凡關係運道民生

修守工程皆蒙我

皇上睿訓精詳披圖指示俾臣審度其形勢體認其性情一切疏築機宜隨時隨地凜遵

指授方畧敬謹奉行是以幸有就緒廼蒙

天語褒嘉以臣年來辦理妥協欽承之下愧悚交切更蒙

皇上軫念河工緊要著管理鹽政臣高斌就近學習感忭尤深臣去冬查閱工次於揚州曾見高斌已心識其爲人謹慎明白今奉

特旨學習

臣惟有將數年以來欽承

聖訓指示開導之處悉心與高斌講究是臣一身殫竭

聖鑒駑駘未能仰報

皇恩於萬一而更得人以圖維善後臣之幸也臣敢不

與高斌備細指陳明切講論以期熟練以副

聖懷所有臣遵奉

諭旨緣由理合繕摺恭謝聖鑒

天恩伏祈

皇上睿鑒謹

奏

高斌居心甚屬可取行止亦頗端正但嫌其器局褊狹
耳其加意訓導以造就之以卿年齒學問而論儘堪爲

伊師長不必稍存物我之跡而猶有間隔也

雍正十一年四月十五日吏部尚書總督江南河道臣嵇曾筠謹

奏爲恭報糧艘全數北上運河水勢深通仰祈

睿鑒事竊臣於四月初旬親往邳宿一帶查閱工程兼
催重運見漕船銜尾遄行俱已渡黃北上所有宿
遷境內駱馬湖向來四五月間水皆乾涸艱於濟
運臣於上年秋冬之際嚴飭廳汛多築草壩週圍
收束水勢廣爲瀦蓄昨桃汛過後正值糧艘盛行
需水接濟隨將各草壩挑開湖水俱從十字河口

暢注運河滔滔滾滾充滿漕渠既可免於盈溢而
漕艘通行又得資其浮送再查桃源縣運河古城
汎內舊有砂礮一道橫亙河身是以重運經臨每
多淺澁臣於上年將砂礮開挖深通不用多人挽
拽而舟行已自便捷又邳宿運河西岸舊有黃墩
一湖上受徐邳睢三州縣唐宋山等處會歸之水
因岸繞堤環水無出路遂致日積日盈漫延阡陌
臣亦於上年

題明動帑一千餘兩并撿取沿河舊石建造小閘一
座開放積水不惟濟運有資而且涸出湖灘千有

餘頃小民布種二麥今一望黃雲芄芄茂密白叟
黃童共樂豐收至於黃運湖河歲搶工程臣俱逐
一詳加確勘指示機宜飭令該管各官上緊僱修
下埽加鑲務使高出水面八九尺至一丈餘不等
足可抵禦汎水預爲保護臣因時當四月重運漕
船全數出境且伏汎將臨工程業已僱修齊集有
備無患謹繕摺奏

聞恭慰

聖懷伏祈

睿鑒謹

硃批諭旨

下

丰

嵇曾筠

奏

覽奏運河水勢深通糧艘利涉無阻竝工程齊備各情
形朕心深慰卿宣防有術殊屬可嘉

雍正十一年五月二十八日大學士仍管理江南

河道總督事務

臣嵇曾筠謹

奏

奏爲時雨霑足水勢工程平穩情形仰慰

聖懷

聖懷事竊照江南黃運湖河水勢今年桃汛以來俱各

循軌安瀾

臣已

節次

宜會令該管各官士聚贊

奏明在案屆茲五月淮揚一帶時雨連綿水勢頻加
長發然皆隨時消落上下河湖咸資容納甚爲寧

謚臣以伏汎將臨恐上源水勢驟長一面飛飭禹
王臺廳汎查看沂沭諸水謹守竹絡壩工竝將駱
馬湖尾間之六塘河暨運道內之鹽河各處入海
要路預爲疏濬深通以備水長分流宣洩入海不
致有壅滯之患至黃運湖河埽壩工程俱已一律
修築出水高厚鑲墊堅整足資捍禦廳汎員弁分
守各工加緊保護臣率同兩道不時來往輪流巡
察長堤料物充盈各處工程穩固洵爲有備無患
最可慶者洪澤一湖爲淮水總匯之區仰蒙

皇上睿慮精詳預將高堰石工發帑增修高厚足資保

也

奏爲洪湖禹廟告成恭請

宸翰頒賜匾額永光萬禩事竊照高堰大堤有
禹王廟一座前因幫築石工暫行拆卸荷蒙
皇上奠安河岳崇德報功特頒

諭旨重新修葺臣凜愼欽遵業經擇吉興修於上年十
二月初一日完工隨敬謹繕摺恭請

皇上頒賜

御書匾額以昭

硃批諭旨

下

三

稽曾筠

盛典奉

旨俞允在案惟是祠宇落成之後濱湖萬姓皆以堤工

鞏固保障淮揚從此田廬儲蓄永荷

皇仁怙冒扶老攜幼齊赴

皇神前祝延

萬壽無疆觀茲暎碧流丹亟望

龍文丕煥恭求

聖天子之

寶翰聿光億萬年之駿烈臣不揣冒昧再爲

奏請伏祈

皇上頒賜

宸章臣敬謹鈎摹肅誠懸掛則來往觀瞻仰

匾額書就已命發來此時諒應齎到矣聖藻之輝煌實增光於日月矣抑臣再有請者山東鄒

城縣馬陵山下竹絡石壩工程遏沐水之奔流作
淮邳之保障最關緊要經臣具疏

題請荷蒙

皇上發帑興修久已完竣但雍正八年沐水泛漲之時
將舊建

禹王廟一座衝淌無存止有

禹王神像隨水漂流仍至鄒城縣北門外回向馬陵

山口巍然獨坐從神三像亦相去不遠遙爲侍立
及後水落波恬雲開日霽金光照耀於淖泥淤土
之中居民驚異迎至郊外朝陽寺內權且供奉於
大門之下非所以妥侑神靈臣敬懇
皇上天恩於河庫道存貯銀兩內動支銀一千兩飭發
地方官擇於竹絡壩附近山坡高阜之處建造廟
宇一所迎回

聖禹王神像供奉妥協并飭該地方官春秋致祭我
皇上恩綸普被錫福無疆婉清寧而合撰治流峙以垂
休矣臣未敢擅便爲此一併繕摺請

旨伏祈

皇上批示遵行謹

奏

建祠奉祀此奏甚是但四載周巡平成水土爲萬世生
民永賴厥功厥德猗歟盛哉若廟宇湫隘殊近於褻于
金之費恐不足以壯觀瞻其再加酌計式廓爲佳

雍正十一年七月十八日大學士仍管理江南河

道總督事務臣嵇曾筠謹

奏爲伏秋交會水勢工程平穩上慰

聖懷事竊照今歲伏汛平安業經臣恭摺

硃批諭旨

下

嵇

嵇曾筠

奏明屆茲七月初旬淮揚一帶久晴之後連沛甘霖
水勢陡長兼之六月初七日寧夏府又報黃河水
長三尺一寸臣按日計程正當伏秋交會之時前
水未消後水踵至又兼風雨甚大最係工程喫緊
關頭亟須加謹保護臣督率道廳將弁往來巡查
凡有險要處所星飭該管汛員兵目於挑壩添椿
邁埽加鑲高厚於堤灣樓崖衛岸竭力搶護幸物
料豐盈兵夫齊集靡不立時應手而且派委多員
策應隄防不敢稍懈仰賴

皇上敬誠感格黃運兩河獲保安瀾查外河廳屬老壩

口洪福莊潰崖搶下大埽二路計長二百丈桃源
廳屬李九莊頂衝搶下大埽計長七十二丈據該
廳等詳請題估大工需帑三萬餘兩臣查歲搶料
物辦貯工所實在豐多葦蕩柴束今歲羨餘更倍
臣又飛飭兵夫在洪澤湖搶割蓑芳草六十餘萬
束皆天地自然之利堪充公用所以前次大工俱
可立辦無庸再行題估臣仰蒙

皇上天高地厚格外

洪恩惟有殫竭血誠力圖報稱於萬一所有伏秋交會
黃運兩河水勢工程平穩情形謹繕摺奏

聞上慰嚴兩河水變正野平縣計沃藪辭奏沛甘霖
聖懷伏祈嚴恩血薦衣圖辦賑萬一視育外縣交會
睿鑒謹高此具咨伏按日計程正當伏秋交會之時前
奏何立繼無雨再行賑卹以仰崇大最係工程喫緊
今夏上流水勢過盛朕正爲南河懸念覽奏慰不待言
欣莫能已

雍正十一年八月初十日大學士仍管理江南河
道總督事務臣嵇曾筠謹三萬緡兩河查勘餘詳
奏爲恭報睢寧天賜引河各工安瀾普慶據實奏

聞仰祈

睿鑒事竊查邳睢廳屬黃河南岸王家堂向因北岸沙灘挺入河心頂衝直射異常危險歷歲修防方能保固今年伏水異漲臣嚴飭廳營晝夜加鑲邁埽正在竭力搶護忽然大溜衝激將北岸挺入河心之沙灘刷成河形引水東注其南岸頂衝埽壩工程漸爲平緩頃自入秋汎水漲發竝將靠北大灘塌崖衝洗奔騰浩瀚大溜自西而東開闢正河一道王家堂埽外現長沙灘八九十丈不等新沙驟湧已將綿長三百餘丈之埽工全行淤閉竟可停止修防矣節據道廳詳報臣復勘驗無異竊思黃

河老灘橫互若無吸川建瓴之勢旣難開它引河
即使得勢開挑工大費繁經時累月未易成功今
乃不費一夫之力而倏挽九曲之狂瀾頓成一旦
之功而全消數年之積患

天賜引河地呈上瑞不特本工化險爲平抑且上游旣無

屈回下游又得順流萬里歸宿之區全河暢達所
關重大是以濱河父老在工兵夫莫不額手歡呼
踴躍忭舞共慶南工從來未有之異瑞也臣往來
河涘目擊身親忽覩庥祥之洊至倍切懽欣夙叨
聖訓之諄詳愈加儆惕所有睢寧自闢引河各工平穩

情形除恭疏具

題外謹繪圖貼說據實奏

聞伏祈

皇上睿鑒謹

奏

此實由於

上天垂祐河靈默助所致真祥瑞也覽奏欣幸何似

雍正十一年九月初六日大學士仍管理江南河

道總督事務臣嵇曾筠謹

奏爲奏

硃批諭旨

下

七

嵇曾筠

聞事竊照沿海范堤工程侍讀學士臣西柱奏請大爲
修築蒙

硃批諭旨南北各堤通盤修整之處言之嵇曾筠聽其
酌度而行欽此欽遵臣於八月二十日自清江浦起
程率領道廳并該地方州縣印汛等官沿堤確勘
查宋臣范仲淹創築此堤原皆因地因時酌量建
星上設嗣後瀕海竈戶隨圯隨培自爲修補經今六七
百年時異勢殊海汊之遷徙不常居民之聚散不
一地形之高下不同往往有昔與海近而今相隔
迂遠者亦有昔與海遠而今漸成逼近者則堤岸

修舉自當因去海之遠近分別工程之緩急方能
利商民而收實效今臣自淮安府阜寧縣之廟灣
場起至通州之呂四場止共計二十五場延亙六
百餘里除泰州屬之拼茶角斜二場范堤臣於去
年冬月逐加踏勘相度情形議於舊堤內移進四
五里建築越堤一道繕摺具

奏旋經西柱遵奉

諭旨動用運庫商捐銀二萬三千四百餘兩建新補舊
一律完竣現今捍禦鹹潮毋庸再議興修外其次
則有如臯縣屬之豐利掘港馬塘并通州屬之石

港西亭金沙餘西餘中餘東呂四等十場亦經西
柱擇其殘缺之處動支運庫捐銀量行修補其餘
未經修及之工竈戶鹽總亦自行率衆修葺幫補
奏高厚一律完整是可無庸修築者也再有泰州屬
之富安安豐梁垛東臺何垛五場現在地勢高阜
人煙稠密廬舍市廛迴環聯接居住年深日久查
勘舊堤有改作民房全無基址者有僅存堤形者
訪之居民耆老僉云百餘年來海潮去遠久不聞
有鹹水灌入村莊之事是此堤之不必重修明矣
又興化鹽城阜寧各縣屬之白駒伍祐廟灣三場

現存舊堤雖高矮不等但細矚情形地勢俱屬高
阜去海亦遠訪之居民耆老僉云潮水甚大之時
離堤尚有十餘里竝未嘗漫及堤根是此地之范
堤所係實非緊要均可緩爲修築者也祇有地勢
低窪如泰州屬之草堰場應修堤六百一十二丈
小海場應修堤一百零三丈丁溪場應修堤四百
三十二丈并興化縣屬之劉莊場應修堤二百四
十五丈鹽城縣屬之新興場應修堤六十餘丈共
計范堤通長一千四百五十餘丈相度地形卑下
必宜再爲增培應行間段加修自二三尺起至五

六尺不等築成一律高厚以上各工共估計動用
運庫捐銀三千餘兩卽足以捍禦潮汐可資屏障
矣總之濱海堤工原藉以約攔水勢如潮水漸近
卽當作速興修急圖保護如潮水去遠卽當緩其
修築以節錢糧未便執前人之成迹而於遠近緩
急之機宜槩置之不問也臣仰體
皇上恤商愛民之至意詳勘情形再三斟酌請照黃運
兩河堤岸之例召募附近居民充當堡夫每日挑
積土牛修補殘缺卑薄并搜捕獾鼠填墊水溝每
夫一名月給銀五錢每歲約計銀二千餘兩仍令

各場大使就近募充每月動支運庫捐銀散給其
修理堤工責成汛員查核催趲從此日增月累范
堤可無殘缺之虞庶幾帑不虛糜工收實效似於
栽培商力保護民生兩有裨益臣愚昧之見是否
有當謹將勘過情形據實繕摺奏

聞伏祈

皇上訓示遵行謹

奏

卿既再三斟酌自中肯綮朕焉有信不及處卽照所議
施行可也

奏同日又

奏爲請

旨事竊臣荷蒙

皇上天恩特授大學士仍管理江南河道總督事務臣

感激

隆恩卽擬趨赴

闕廷恭覲

天顏因於具疏

奏謝時并陳下悃復蒙查外辦費並日會以累次

皇上鑒臣戀吏竊改哀哀每以煇文數車計建端餘其

主心誠懇

恩諭霜降後請

旨再來臣聞

命之下望

闕叩頭歡忭難名今已九月初旬霜降伊邇臣業經繕

疏奏請籲懇恭覲

天顏現在祇候

聖旨伏念河防諸事錢糧重大頭緒繁多專藉人工修

守臣竊見管理兩淮鹽政臣高斌奉

旨學習河務虛衷聽受每多領會且人品端正從此忠

勤率屬定當砥礪有成可否將總河印務卽交署

理容臣於霜降後星馳

北闕俾得與在

天廷諸臣隨班拜舞嵩呼

萬壽則臣十有餘年瞻

天仰

聖之忱得以稍抒於萬一感荷

天恩高厚實銜結於生生世世矣爲此敬謹繕摺恭請

訓示遵行伏祈

皇上睿鑒謹

奏
高斌學習未久尚未熟諳今歲卿且不必來京於明年
霜降後再行奏請候朕斟酌有旨

雍正十一年十月二十二日大學士仍管理江南
河道總督事務臣嵇曾筠謹

奏爲請定兵夫積土成例以固堤防以收實效事竊
照江南黃運兩河堤岸綿遠祇有河兵看守埽壩
一遇汎水長發各處調撥分身乏術以至長堤之
上防護無人臣於雍正九年八月內

題請循照豫省之例每堤二里添設堡房一座召募

堡夫二名每名按月給工食銀五錢卽令堡夫常川防守挑積土牛以資修補堤工之用荷蒙

皇上恩准照例添設欽遵在案今臣嚴加督率按堡稽查除寒暑兩月免其積土外其餘每月黃河一堡二夫責令積土十五方運河一堡二夫除糧船往返修補犁溝櫛眼外責令積土十二方以一年合算可以積土十五萬餘方已收費少工多之效惟是堡夫有勤惰不齊該管汛官亦有賢否各別設不嚴立章程則日久法弛難於查察臣請核定成規以雍正甲寅年正月爲始責令該管汛官將所

屬汎內堡夫從前積過土牛逐堡挨查確實作爲
舊土報明備案卽於正月起照依前定數目每名
按月如數挑積仍將挑過之土每月造於新土冊
內彙報算入交代以專責成若不能如數挑積者
將專汎文員罰俸一年該管廳員罰俸半年倘或
挑積不及一半卽將耑汎文員降職一級暫留原
任戴罪趲挑該管廳員罰俸一年如此則廳汎各
員畏干處分之例自必上緊督率挑積矣再查河
兵舊例每年桃伏秋三汎俱在埽壩力作惟於霜
降後計算兩月日期照堡夫例每二名一月積土

十五方堆積堤工備用今查黃運兩河除椿夫埽
手撐駕浚船并各該將弁養廉之外實在力作河
兵約計五千名共應積土七萬五千方亦應將所
積土牛查明造冊入於該備弁交代項下以專責
成若該管備弁不勤加督率亦照前定之例分別
查叅議處似此章程一定則兵夫自無閒曠錢糧
不致虛糜旣資防守之益復成積累之功伏查雍
正七年荷蒙

皇上厯念河堤每年加修五寸沿河黎庶莫不頂頌
聖恩安益求安之至意今復設有堡夫嚴其課程而於

聖恩水勢緊要堤工單薄之處多積土牛霜降以後卽
將本汛兵夫所積之土增培本汛單薄之堤止須
酌給潑水行礮之費在於每年歲修加高冊內據
實聲明以節錢糧務令該管員弁盡心董理修築
堅固如此兩三年後并加高五寸之工亦可逐漸
減省而堤工得免殘缺卑薄之虞矣臣因

國帑堤工攸關重大誠恐奉行日久或致玩誤廢弛
合應仰懇

睿裁著爲定例則日久見效錢糧既可節省堤工又復

鞏固實荷

皇仁於億萬斯年矣謹繕摺恭

奏伏祈

皇上訓示遵行謹

奏

兵夫積土著爲定例既可節帑又以護工足見奉公體
國之誠斯議嘉是覽之如應題達具疏題奏以聞

雍正十一年十二月初一日大學士仍管理江南

河道總督事務臣嵇曾筠謹

奏爲

聖恩亙古特隆微臣感激難名恭申謝悃并陳明臣母

緣由仰祈

睿鑒事竊臣接閱邸鈔奉

上諭大學士嵇曾筠敬慎居心忠勤襄事自簡任河道
總督以來整理有方調度合宜卽如今年直隸豫省
堤工潰決而江南地處下游不但各工平穩且有自
開引河之瑞此實嵇曾筠殫力宣勞之所感召且江
南河務今年工程較多所用物料加倍而所費錢糧
較從前減省茲又奏請將葦蕩營出產柴束立定章
程僭運交工濟用具見實心實力鉅細不遺深屬可
嘉朕念伊父之忠義伊母之節操雖已贈恤旌褒尚

未膺一品封典今特沛殊恩著給與大學士應得誥
封以示優眷欽此臣跪聆之下當卽恭設香案望
闕九叩恭謝省茲又奏請祿輦營出亟崇東立宏章
天恩訖伏念臣以庸愚生逢用妙採時而汎費幾
堯舜優頒懋賞疊賁辭會戰伐宣榮之風想各且
溫綸浹髓淪肌備沐軼不軌不貳谷工平糶且育自
天家膏澤自頂及踵無非恩合宜噴噴今手重輝新
聖主生成迺更荷我姑勛臣心忠謹襄事自前升何敢
皇上推恩之大典錫類之

洪慈憫念臣父殉忠臣母守節

特加一品封誥用彰三代榮施恭膺希世
隆恩非常
曠典捫心叩首嗚咽難言縱竭捐糜

高深莫報惟是臣福薄罪深臣母忽於前月之底陡患
痰證臣正在邳宿一帶查料勘工飛騎奔回急爲
調治不料病勢沉重風燭難支惟有口誦

佛號頂謝

聖主洪恩勉臣盡忠竭力并勉臣子臣孫世世銜結以
圖仰報臣自念一身微末報恩惟有

君親今臣母奄奄一息臣已罔極難酬罪無可追而猶

臣等幸今日之得奉湯藥慰藉於彌留之際皆荷

皇上殊恩特沛

優眷榮加臣卽生生世世願爲犬馬總難效涓埃於萬

大難一也臣更有請者臣母旦晚難保臣遵照定例謹

奏請擇淮徐道呂維炳代爲辦理一面移咨漕臣具疏

題報候部五查臣等一帶查探轉工乘間奏回急爲

旨離任守制外伏查河工學習鹽臣高斌居心行事久

經典在案臣等謹

聖明洞鑒之中本年十月復來清江臣將形勢機宜工

程底細剖晰講究復派工員隨伊遍歷黃運河湖

一應工程伊俱能虛心體認專心學習倘蒙
皇上天恩畀以署理印務自必愈加勤慎出力報效則
管理有人臣即可循例邀

恩守制仰荷

鴻慈高厚結草銜環永永靡旣矣臣不勝感激悚切之
至謹繕摺恭謝

天恩伏祈

皇上慈鑒謹

奏

自開闢以來仙佛尚然解化人生豈無終極以卿母之

年而論曰福曰壽可謂世所罕觀況兼懿範清操足堪
不朽在卿更可謂克盡子職纖毫無憾萬勿深維罔極
過於悲傷倘至毀瘠莫支則翻違忠孝大義矣其減損
哀慟以釋朕之懸念

雍正十二年四月十五日大學士仍管理江南總

河事務在任守制臣嵇曾筠謹
奏爲奏

聞事竊臣於正月間蒙
聖恩給假回籍旋於三月內起程四月初二日已抵淮
安伏見大江南北麤麥盈疇長養秀實現在次第

收穫盈寧有慶遐邇騰歡此皆仰賴我
皇上恩膏疊沛蠲賑頻施截漕折色事事周詳用是米
價甚平閭閻喜悅雨暘時若二麥豐收臣於一路
查勘瓜洲江工穩固潮汐安瀾漕運糧船皆銜尾
渡黃北上駱馬湖蓄水充盈濟運遄行無阻各廳
桃汛工程經署河臣高斌加謹催趲業已

奏報平安臣現在奔走河干親赴上下要工逐一查
勘督率修防與高斌同心協力寅恭辦理惟願黃
淮永奠億兆咸寧以期仰副

皇上慎重河防愛養元元之至意敬將江南地方二麥

皇上豐收竝黃運湖河現在水勢工程平穩情由繕摺

奏

聞伏祈聖鑒謹
奏

奏

深慰朕懷

大學士仍管理江南總河事務在任守制臣嵇曾

筠署理江南河道總督印務臣高斌謹

奏爲請築月堤移建閘座以禦汎水以固河防事竊

查海防廳屬黃河南岸辛家蕩縷堤坐當全黃尾

間年來北岸長有沙灘逼溜南趨掃灣汕刷河崖
塌卸致成迎溜險工將來汎水長發衝射堤根危
險堪虞臣等親往查勘相度情形縷堤南首版荒
地內應圈築月堤一道避其激湍之勢順其就下
之性庶幾未雨綢繆有備無患再辛家蕩縷堤舊
有減水石壩一座係康熙四十年間經前河臣張
鵬翮

題建以備宣洩黃河異漲之水嗣因黃流順軌海口
深通堤內村莊聯絡居民稠密自始迄今此壩從
未開放墊陷泥淤廢棄已久現今大溜南趨逼近

壩臺將來勢必塌卸自應相機將舊石議拆移運別工應用今查揚河廳汛內寶應縣西堤向有竹絡壩一座原備宣洩運河之水前於雍正九年因壩底年久虛鬆經臣曾筠於亟請下埽等事案內題請另建新壩一座照例蓄洩在案但水長卽挑開埽壩放水以保堤工水落卽下埽堵閉蓄水以資漕運旣非一勞永逸之計且有遞年修築之煩臣等愚見不若將辛家蕩舊石拆於寶應西堤審擇堅實地基改建減水石閘因時啓閉蓄洩咸宜且建閘之後卽可將舊時埽壩永遠堵閉一轉移間

聖諭不特將無用舊石皆成有用可以節省錢糧而揚
屬運河一帶堤工益資鞏固漕運民生均有裨益
矣至辛家蕩月堤計長七百丈估費四千四百餘
兩現在照例發帑飭令淮揚道監工上緊趲築堅
固以禦汎水并將移建閘座工程悉心確估造冊
具

題請

旨外所有臣等公同勘估辛家蕩工程情形謹先繪圖
奏貼說繕摺恭呈

御覽伏祈

硃批諭旨

下

九

嵇曾筠

皇訓示遵行謹

奏

因地制宜移彼就此卿之措施諒應不謬也

雍正十二年八月初一日大學士仍管理江南總

河事務在任守制臣嵇曾筠署理江南河道總督

印務臣高斌謹

奏爲恭報水勢工程平穩仰慰

聖懷事竊查秋汛屆臨正諸水長發盛行之候臣等凜

遵

聖訓加倍小心率領道廳員弁分駐工所曉夜防守目

去今徐邳淮揚雨暘時若黃水亦次第長落雖入秋以來風勢甚大而埽壩鑲墊加高不致湧激爲患黃運各工在在鞏固洪澤湖爲刷黃濟運之要區蓄洩機宜最關緊要臣等悉心體察相度水勢將天然壩及早堵閉俾清口益爲順暢敵黃東注兼之瀦蓄湖水以濟來年運行預備有益至江潮浩瀚瓜洲工程頗爲喫緊臣等俱親經查勘督率修防加埽壩以禦潮頭下碎石以護崖根江干一帶工程俱獲安穩今七月已過八月正屆雖秋汛綿長而各廳料物充裕足資捍禦所有現在水勢工

程平穩情形謹繕摺會
奏仰慰
聖懷伏祈
睿鑒謹
奏

覽奏水勢工程平穩情形遙望江淮且欣且慰

雍正十二年九月十五日大學士仍管理江南總
河事務在任守制臣嵇曾筠南河副總河臣白鍾
山謹
奏為酌量調撥兵夫挑濬清江引河以利漕運以節

錢糧仰祈

睿鑒事竊照裏河廳屬之清江浦有龍汪石閘一座當
南北通津運道民生攸關緊要因建造已久百餘
年來未經修理水勢溜急根底虛鬆北岸迎水石
牆蟄卸三丈餘尺其餘閘牆亦多脹裂亟須重加
建築以濟漕運現在飭令淮揚道確估閘座工料
另行造冊具

題請

旨外臣等伏思拆閘重建築壩興工動經數月方能告
竣轉瞬春融重運北上恐誤遄行今於龍汪閘迤

上數里之外鳳陽廠地方自五孔橋至張雲壩口
查有舊引河一道長一千五百餘丈年久淤墊形
址猶存宜先將此河挑濬寬濶一律深通俾運河
之水得以由此通流無誤明春運行方可築壩興
修閘座隨檄行道廳等勘估挑濬引河需土二十
七萬六千餘方計銀二萬二千一百餘兩又以挑
河之土幫高兩岸堤工應用潑水夯礮并創築新
堤計銀一萬一千九百餘兩以上挑河築堤共銀
三萬四千餘兩加以建閘工料未免需費繁多臣
等再四籌畫節省辦理查江南河工額設河兵堡

夫一萬餘名目今霜降已屆各廳營修防事竣正
值兵夫閒暇臣等酌量於通工內抽撥兵夫調赴
清江浦勒限挑築每名每日給飯食銀二分業於
九月初六日動土開工尅期完竣只需飯食夫工
銀一萬二千餘兩較比漕規實計節省銀二萬二
千餘兩不特來年重運漕船得以遄行無阻且閘
工修竣後又可留此河身以爲運河水長之時預
備宣洩之用似於運道民生均有裨益所有調撥
兵夫開挑引河節省錢糧以利漕運緣由理合恭

奏摺

奏明伏祈

皇上睿鑒謹

如此經營可謂辦國計如家務矣褒獎之外更有何諭

雍正十二年十月二十八日大學士仍管理江南

總河事務在任守制臣嵇曾筠南河副總河臣白

鍾山謹

奏爲酌減漕規以節錢糧事竊照河防全在土埽工程既當修築堅固帑項又須因地制宜隨時酌減方爲有益臣等上下巡查見所屬工料俱比從前

豐足堅實詳悉籌維土埽二工尚有可以節省之處敬爲我

皇上陳之

一土工方價宜分別酌減也查土方則例業經酌減分出水旱遠近乾濘擬定成規部覆准行在案但土頭有厚薄不同人夫有强弱各異向例各廳土工漕規例係畫一未曾因地分晰今臣等詳細分別各廳除高堰山盱裏河揚河江防五廳或緊臨漕運或接比河湖大江而且居民稠密取土不易土方價值無庸再減外查徐屬邳睢宿虹三廳

壤地寬廣取土便宜其於方價尚可再減十分之
二至桃源外河海防山安運河桃清六廳貼臨河
湖一面取土其於方價亦可再減十分之一如此
則每年土工方價酌減報銷工程不致草率仍可
照估價修葺萬不同人夫百照原谷異向國谷風
一防風埽工用料宜酌減也查黃運河湖水深之
處所下沉水埽箇與加鑲埽料水勢湍激工多蟄
陷料物自應照依向定漕規不能改減其水淺之
處恐有風浪汕刷於堤根鑲做防風保護崖岸舊
例每單長一丈用柴三十八束或用草一千一百

四十斤但前項工程雖亦有墊陷不比頂衝首險其料物尚可減省今酌定柴鑲防風每單長一丈減去柴八束用草加鑲者減去草二百四十斤以省工料再查前項防風工程從前因所用料物與鑲墊之工相同是以有開報防風者亦有開報鑲墊未經指出防風字樣者今既酌減工料則嗣後每年估銷冊內應將水勢深淺并防風字樣逐一聲明以便查核報銷倘有不將水淺防風據實聲明者容臣等查出叅處以上酌減土埽二工錢糧皆因比年以來仰賴

皇上聖德感孚水勢工程平穩年豐人和民力寬舒因
時因地斟酌損益請於雍正乙卯年爲始照酌減
之例核明造冊估計銷算於帑項可以節省而工
程仍復鞏固所有現今酌減土埽二工漕規謹據
實會摺敬陳是否有當伏祈
皇上訓示遵行謹

奏

因時因地酌減土埽漕規具見忠誠任事自屬節用良
籌然朕以爲不必定作成例奏銷時仍照舊造報惟於
題本內聲明情由將所減銀兩存貯河庫以備別項工

程之用殊覺妥協卿意何如

雍正十二年十二月初四日大學士仍管理江南

總河事務在任守制臣嵇曾筠謹

奏爲恭謝

天恩事本年十二月初一日臣齎摺家人恭捧

皇上恩賜鹿尾五箇鹿肉二盤野雞六隻臣隨跪迎道

左恭設香案望

闕叩頭謝

恩祇領訖伏念臣自蒙豢養備沐

鴻慈忝司河務以來十有餘載

恩勤篤摯無一時不仰厪
聖懷無一物不仰霑
聖澤茲復榮邀

眷注

寵賚特頒彩煥黃封捧到

尚方之仙脯親調丹液幸嘗

內府之嘉珍截肪裁脂馨香遠布淪肌浹髓感激難

名竊臣年六十有餘雖係餘生尚堪竭蹶馳驅力

圖報效惟有事事稟承

睿訓時時仰體

聖心早夜圖維恪恭趨走俾百谷朝宗之境兩河血氣

之倫咸飲和食德於

深仁厚澤之中悉含哺鼓腹於

斯固朕之至願所夙夜黽勉以期仰答

皇

考者此此外夫復何求

皇上天恩於萬一耳所有微臣感激愚忱謹繕摺恭謝

天恩伏祈

皇上睿鑒謹

奏

覽卿奏謝知道了

雍正十三年二月初二日大學士仍管理江南總

河事務在任守制臣嵇曾筠署理江南河道總督

印務臣高斌謹

奏爲雨雪應時麥苗滋長運道深通仰慰

聖懷事竊照徐邳淮揚一帶於除夕元旦等日俱降瑞

雪盈尺普遍千有餘里立春前後又復甘雨綢繆

皇等巡視堤工見兩岸麥苗滋潤長發運河春水

充足清江浦鳳陽廠新開引河現今水勢深通糧

艘遄行連檣北上其舊運河因修築龍汪閘座將

河身兩頭築壩戽水乾涸頂底畢露臣等逐細查

勘除兩邊雁翅石牆尚有堅整之處并月河閘座

通體完備俱不必議修外惟將龍汪大閘金門兩
牆墊卸處所重新建築所需面裏等石業將諸家
溝淤墊舊閘一座拆運該工濟用毋庸赴山開採
以節帑項祇有椿木米汁石灰錠錫夫工等項現
在核實確估務期籌酌妥協方敢具

題其上下各處運河因湖水瀦蓄充裕藉以接濟一
律深通竝無阻滯黃運兩岸埽土工程趁此春融
之際業經詳悉指示廳營實力修做在在高堅以
禦桃汛所有雨雪應時運道深通緣由臣等謹繕
摺奏

聞伏祈

皇上睿鑒謹

奏

據奏堤岸高堅桃汛有備朕懷已慰及閱雨雪應時春
水充足等語則帆檣上下浪靜波恬景象宛然在目也
曷勝愉悅之至

雍正十三年三月二十日大學士仍管理江南總

河事務在任守制臣嵇曾筠署理江南河道總督

印務臣高斌謹

奏爲據情代奏恭謝

天恩事竊照淮徐道呂維炳爲伊子取結致書囑託旗員一事荷蒙

皇上天恩從寬革職留任免其解京質審臣等欽奉聖諭卽傳呂維炳至署敬謹宣示呂維炳跪聆之下免冠叩首感激涕零隨據稟云仰沐

皇上高厚鴻慈自今以往惟有洗心滌慮悔改前非勤慎辦工力圖報效所有頂感血誠懇請代爲奏

聞等語臣等敬體

天心復再三訓飭勉其痛除習氣實心出力以仰副皇上軫念河防愛惜人材之至意查道員雖無代

皇奏謝公所起愛惜人材之至意查該員雖無升
恩之例今臣等目覩呂維炳感激實心出於肺腑
天恩情詞迫切出於至誠不敢壅於上

聞謹會同繕摺恭

呈奏伏祈 聖慈自今以後並行武弁稍寬對效前非謹
皇上睿鑒謹

聖奏明諭呂維炳至督道轉宣示呂維炳領之不誤
勗其勉爲良吏慎勿貌從心違如傳所云揜其不善而
著其善見君子而後厭然也

天恩 雍正十三年四月十五日大學士仍管理江南總

河事務在任守制臣嵇曾筠署理江南河道總督
印務臣高斌謹

奏爲酌添墩舖巡船以資防守仰請

聖訓事竊照陸路墩舖與水路巡船均爲防範汛地杜
戢姦匪之要務必須布置周密聲勢聯絡方足以
資捍衛而嚴汛守查江南河標所轄水陸營汛爲
南北通衢悉屬衝要差使殷繁撥護絡繹空重糧
艘及一切民船客貨往來如織水陸汛防均宜慎
重今查應添設墩舖之處如南自王家營起北至
山東交界紅花埠止計程二百六十餘里係進京

大路其原設墩舖遠近不一除相隔十里以內道路均停者不議外其相隔十二三里至十七八里者未免瞭望不及防禦難周又南自清江浦起北至山東交界臺兒莊止計程三百七十餘里係漕運要道其沿河原設墩舖內有相距十七里至二十里及二十一里不等路途較遠策應維艱臣等詳加籌畫應將寫遠之墩舖各於適中處酌添墩舖一座共計添設墩舖一十六座每座撥兵四名共需兵六十四名各於本營存汛兵丁內輪流抽撥令其住宿舖房勤慎防守則兩路墩舖均無鞭

長不及之虞汛守益爲謹嚴矣又應添設巡船之處如黃河自江南清口淮黃交匯處起至河南虞城縣交界止計程五百三十餘里沿河一帶地方遼曠姦匪易於出沒巡防尤宜嚴密但近岸難建墩舖必得安設巡船撥兵常川查緝以杜匪類而保商旅至於運河雖經設有墩舖但汛兵僅能防範於陸路其遊巡河面亦非船隻不可今運河內惟夏鎮汛舊有巡船一隻黃河內惟銅山睢寧蕭碭等縣舊有巡船八隻其下游之桃源宿遷白洋隅頭泖口清河清江等汛均係緊要之處向未設

立巡船臣等酌議應於桃宿等緊要河汛添設船隻以資巡緝計黃運兩河共添巡船一十一隻每船需兵五名共需兵五十五名亦在於本營存汛兵丁內抽撥查照所管河汛往來巡緝勤加稽察務使宵小屏絕河路肅清則兩河商船客貨均得防護安全矣緣有關酌添墩舖巡船事宜臣等未敢擅便是否有當謹繕摺恭

奏懇請

聖訓如蒙
皇上俞允臣等卽與督撫臣會疏具

題伏祈

訓示遵行謹

奏

是誠裨益地方之舉會疏題請酌定有旨

同日又

奏爲奏

聞事竊照四月初五日夜江間風浪大作所有北岸瓜洲江工數年以來仰蒙

皇上聖明指示堵築夾壩開挖引河以埽護厓以石護埽足資捍禦值此江潮湧激之時埽壩高堅屹如

磐石城池田舍保護安寧惟南岸鎮江京口迤下
星土新河口臨江厓岸有坍塌之處臣等聞信卽星飛
差員馳往查看茲據委員并江防同知等各稟稱
聞事新河口江厓坍去橫長一里有餘進深八九十丈
奏不等沿江民房塌卸三百餘間等情臣等查所坍
之厓距鎮江府城尚遠無關運河要道惟河口內
景福向建新閘一座蓄洩水勢以便民船今臣嵇曾筠
奏親往勘明後移咨督撫臣轉飭地方印汛官相機
料理竝確查塌房居民分別撫恤外謹將鎮江偶
遇風潮北岸瓜洲工程平穩情形先行繕摺奏

聞伏祈
皇上睿鑒謹

奏

覽奏知道了聞彼處土人咸云江中有豬婆龍能致風浪之患斯語確否

雍正十三年六月初二日大學士仍管理江南總河事務在任守制臣嵇曾筠南河副總河都察院僉都御史臣劉永澄謹

奏爲恭報伏汎水勢工程平穩情形仰祈

睿鑒事竊查本年夏至以後據寧夏府報稱上游黃水

泛漲三尺兼之徐邳一帶大雨時行黃河水勢長
發至六尺四五寸不等賴上年霜降迄今底水消
落甚多臣等於桃汛之前巡歷各工逐一查察修
築鑲墊根底堅實是以黃水雖覺強盛而埽壩高
厚屹如磐石現在出水五六尺至八九尺不等足
資捍禦至南岸清口黃淮交會之處必須清水抵
敵黃流不致倒灌爲患今洪澤湖淮水尚未盛長
誠恐水勢淺弱臣等相度情形將山盱天然壩并
裏河文華寺閘俱皆堅閉蘊蓄湖水暢出清口敵
黃東注又將北岸鹽河越壩相機開放分洩駱馬

秦湖暨黃河水勢今自徐邳以至雲梯海口循軌順
流水行沙刷毫無阻滯其各廳購備料物竝葺蕩
營額餘柴束俱經查催僭運酌量工程平險分別
堆貯雖伏汛內黃運湖河上下各工在在平穩此
用通查伏汛內黃運湖河上下各工在在平穩此
皆仰賴我

皇上至德精誠潛孚默契

河神鑒佑有如響應臣等奔馳防護踴躍歡欣額手
感頌惟有倍加敬謹率領道廳員弁分駐各工小
心修守以仰副

皇上慎重河防之至意所有伏汎水勢工程平穩情形
理合繕摺奏

聞伏祈

睿鑒謹

奏

伏汎安瀾朕懷深慰全河保障修守機宜惟卿是賴焉

雍正十三年七月十一日大學士仍管理江南總
河事務在任守制臣嵇曾筠南河副總河都察院
僉都御史臣劉永澄謹

奏爲恭報伏秋交會水勢工程平穩情形仰慰

聖懷事竊照江南黃運湖河各工伏汎修防穩固業經

臣等

奏報在案伏查夏末秋初正二汎交會之候又據寧
夏府報稱上游黃水泛漲一尺二寸有餘前汎未
消後汎踵至黃河日見長發工程甚爲喫緊臣等
督率道廳將弁往來策應曉夜搶護物料豐盈兵
夫齊集靡不立時應手復派委多員常川防守自
徐邳以迄淮揚一切機宜呼吸可通現今上下湖
河在在寧謐縱秋汎綿長而埽壩高厚足以捍禦
無患臣等目擊情形惟有額手踴躍敬愼修防不

敢因工程平穩少萌疎忽之心又查六月間淮揚地方天氣久晴民間望雨甚殷臣等仰遵

聖諭虔誠祈禱屢次俱沛甘霖但未十分霑足復將運河內閘壩涵洞開放分洩灌漑民田又虞淮水勢弱隨於黃淮交會處所趲進埽箇收束口門俾清水刷黃有力合流東注循途順軌以達於海至時屆秋令沿海范堤工程保衛鹽場民舍攸關緊要臣等遴委幹員前往查勘督令堡夫挑積土方增卑培薄預爲修理以備秋潮總之臣等受

恩深重所以勵犬馬而伸報效者惟竭此一點血誠圖

維籌畫上下巡察祝願江湖河海底績永安以祈
仰報

高厚鴻慈於萬一所有伏秋交會水勢工程平穩情形
敬謹繕摺奏

聞仰慰

聖懷伏祈

皇上睿鑒謹

奏

覽水勢工程平穩情形欣慶之懷筆莫能盡今歲南北
河工卿等勞績實屬昭著俟霜降後另有恩諭

何工暇養榮齋實氣氣蒸對露烈外是亦恐爾間淮揚
買水幾五錢至蘇杭則幾十錢集莫館盡合道南北
聖秦慶誠祈禱屢次俱沛甘霖但求十分霑足復將運
皇土春蠶蠶繭蠶洞開放分洩灌漑民田又虞淮水勢
望對分而於黃淮交會處所趨遙隔收束口門俾清
閘中壩制黃有力合流東注循途順軌以達於海至時
婦孺辭對奏范堤工程保衛鹽場民舍攸關緊要
高阜斷慈竹萬一汛官舡舫交會水樓工駐平蘇甯洪
中時時預為修理以備秋潮總之臣等受

恩澤蠶蠶畫土不漲察蹙蹙焉賦賦賦賦永安以而







